


دَارُ الْفُنُونِ
الهیاتیات و کتب و مجلہ

تاریخی ، اجتماعی ، دینی ، فلسفی

آگستوس - ۱۹۲۸



شہزادہ بائی اوقاف مطبعہ سی

۱۹۲۸

« متافیزیک » ه مدخل [۱]

متافیزیک تعریفیله مطلق مفهومک تلفیلمی آراسنده بر مقایسه یا پیله فیلسوفلرک بر شیشی بیلمک خصوصنده کی ظاهری بوتون اختلافینه رغماً بر لرزدن چوق فرقی ایکی بیلمکی طرزی آیرمقدمه متفق اولدقلری کورولور . بولردن بری بوشی اطرافده دویمکی ؛ دیگرکی بوشیئک ایچنه کیرمکی استلزام ایدهر . برنجیسی ؛ یله شدیککیز نقطه نظره و بونقطه نظری افاده ایچون قولانیلاجق سه نبوللره تابعدر . ایکنجیسی ؛ هیچ بر نقطه نظره قایلما دینی کبی هیچ بر سه نبولده استناد ایتمز . برنجی بیلمکی ایچون اضافی relatif ده توقف ایدیورم ؛ ایکنجیسی ایچون ده ، ممکن اولدینی یرده ، مطابقی absolu ی استهداف ایدیورم ، دینیر .

مثلاً بیلمه جک شیء ، بر شینک مکانده کی حرکتی اولسون . بوشیشی ، بولوندیغ یرک متحرک ویا غیر متحرک اولماسی نقطه نظرندن ادراک ایدهرم . صوکراده محور یاخود نقطه استنادلرله یعنی کندیلرینه ترجمان اولاجق سه نبوللره کوره مختلف صورتلرده افاده ایدهرم . هر ایکی حالدهده اوشیمه خارجدن باقدیغ ایچون بومضاعف سبیدن دولایی بیلمکینک بو طرزینه اضافی تسمیه ایدهرم . مطلق برحر کتدن بحث ایتدیکم زمان ، متحرکه عینی زمانده بر باطن ، حالات روحیه کبی برشی تقویض وینه عینی زمانده بوحاللرله سه نیانیزه یعنی همحال اولارق مخیله نك برجه دیله آرایه کیریورم . بوتقدیرده اوشی ، ایسترم تحرک ، ایسترم غیر متحرک اولسون ویا ایسترم بوه شو حرکتده بولونسون بن عینی شیشی دیوبوب یا شامایه جغ . و آرتق دیوبوب یا شامایه جغ شیء ، موضوع حقیقده قبول ایده بیله جکم نقطه نظرلر اولمایه جقدر ؛ بالعکس شینک بالذات ایچنده بولونا جق و بونک اصلی و اساس original نه ، ده ا دوغروسو ابتکاری وارلغنه صاحب اولمق ایسته دیکمدن اونی سه نبوللره ترجمه صورتیله افاده دن ده واز کچه جکم . خلاصه ، حرکت آرتق خارجدن قاورانمایوب عادتا بنده ، عیناً کندی حالت و ذاتنده ، فقط درونی طریق واسطه سیله ، قاورانه جق و بوضورتله بر مطلق آله ای دیله جکدر .

فرضا بیلمه جک شیء ، ماجرالری بکاتقل ای دیلن بر رومان قهرمانی اولسون . رومانچی

[۱] « ره وود متافیزیک نه مورال » مجموعه سنک (۱۹۰۳) سنه سی نسخه لرندن ترجمه ای دیلشدیر .

قهرمانك مزاج و سنجیه سنی کو ستره جك و قعه لری تکرثروانی ایسته دیکی کبی قونوشدروب حرکت ایتدیره بیلیر . فقط بونلردن هیچ بری بنم برآن ایچون بالذات قهرمانه همحال اولمقدن دویه جفم بسیط و لایتنجرا حسه تقابل ایتمز . قهرمانه بالذات همحال اولدیغمده اونك بونون فعل ، ژهست و سوزلری بر منبع صوتی کبی بکاطیبی بر صورتده آقار کورونه جك و آرتق بونلر قهرمان حقنده کی فکری ، اصلاً تماماً مقسزین ، بر برینه علاوه ایدیلن حال و وقعه لر اولمایه جقدر . قهرمان شیمدی تمامی ایله بنده در وانی تظاهر ایتدیره ن بیکلرجه حال و وقعه لر ، قهرمان حقنده کی بر نقطه نظر فکری نه انضمام صورته بونی زنکیلشدیره جك یرده بالعکس قهرمانك جوهرنی توکتمکسزین یا خود فقیرلشدیرمکسزین اونقطه نظر دن آریلش بر حالده بنده کورونه جکدر . قهرمانه دائر بکا نقل اولونان شیر هپ اونك حقنده کی نقطه نظر لر در . وانی بکا تصویر ایدن بوتون شمائل ، اشهارت لر دن عبارت اولوب قهرمان بونلره آنجق سه نبولیک بر صورتده افاده ایدیلیر و بکا آنجق اولحه بیلدیکم اشخاص و یا اشیایه قیاساً طابیتیه بیلیر . سه نبولار و نقطه نظر لرایسه بنی قهرمانك خارجنده بر اقیق و بکا ذاته خاص اولان شیلری دکل ، اونك دیگر لر یله اولان مشترک فعل و حال لر نی بیلدیرد . قهرمانك بالذات کندیسی یعنی جوهری ، درونی برشی اولدیغندن خارجدن کوروله مه دیکی کبی دیگر هیچ برشیه دخی قیاس ایدیه مه دیکی ایچون سه نبولر له ده افاده ایدیه مزه تصویر ، حکایه ، تحلیل ، بوتون بوشیلر بزى اضافیده بر اقیق . یالکیز بالذات شیخ ایله همحال اولمقدر که مطلق و یرد .

ایشته بو ، و یالکیز بومعناده مطلق ، « کمال perfection » ک مترادفیدر . بر شهرک ممکن اولان موقعلردن آینمش فوطوغرافیلری بر برلر نی ایسته دکلری مقدارده تماماً یه جق قادار چوق اولسونلر ، بونلر بر درلو ایچندن طابیتیه قمز و ایچنده دولاشدیقمز شهره معادل اولامازلر . کذا بر شعر یا بانجی هر هانکی بر لسانه نه درجه اهتمامه ترجمه ایدلسه اصلنده کی درونی معنای اصلا افاده ایده مزه . هر هانکی بر نقطه نظرک تأمین ایتدیکی تصور لر ، شو و یا بوسه نبولر له یاپیمش ترجمه لر اصلاره نسبتله دائماً ناقصدر لر . فقط مطلق ، اصلک تماماً کندیسی اولدیغندن عینی زمانده مکملدر .

هیچ شبهه سزینه عینی سه نبیله مطلق ایله نامتنهاهی : infini دخی اکثر یا مترادف صایلمشدر . اسکی یونا نجی هپ هیچ پیامین بر آدامه (هومر) دن بریتک بنده بر اقدینی انطباعی نقل ایتدیگمده اولایتی ترجمه ، صوکر ا ترجمه نی تفسیر ، ده صوکر ا تفسیری تفسیر

ایتمک و بویله جه ایضاحدن ایضاحه کیتمک صورتیله بوانطباعه بر پارچه ده ایا قلاشسه مده اصلا واصل اولامام . کذا قولکیزی قالدیردیغکز زمان بوحرکتک بسیط برادرا کنه ایچکزدن صاحبسکیز . فقط بونک برده سزندن خارج اولان بنده کی ادرا کنی صورکز : قولکیزک ساده جه بر نقطه دن قالقوب دیگر بر نقطه یه کچدیکنی کورویور و صایمق ایسته سه م بونقطه لر آراسنده نامتناهی نقطه لره قادارده کیده بیلورم . دیمک که ایچدن کوروشده بسیط بر شی اولان مطلق ، خارجدن یعنی باشقه بر شینه اضافله کوروشده نامتناهی بر صورتده تجزی ایده بیلور . اوحالده هم غیر قابل تجزی ، هم ده نامتناهی بر صورتده قابل اولابیلن بر شی ، تعریف نتیجه سنده ، بر نامتناهیدن باشقه بر شی اولمادیغندن غیر قابل تجزی بر آکلایش اولان مطلق بیلکی ایله نامتناهی بر صورتده قابل تکثیر اولان اضافی بیلکی آراسنده اکثریا عینیت کورولمه سی پک طبیعیدر .

بومقدمه دن مطلقک آنجق حدس : intuition ده اولدینی و متباقی بوتون بیلکیلرک تحلیل : analyse دن نشأت ایتدکری استخراج ایدیلیر . حدس ، اولیه ذهنی بر سه نیاتی : sympathie intellectuelle در که بونکله بر شیئک آشمز و بالنتیجه غیر قابل افاده ماهیتی ایله هم حال اولق ایچون اوشیئک ایچنه یرلشیلیر . تحلیل ایسه بالعکس بر شیئی اولجه معلوم اولان عنصر لره ارجاع ایدن ، باشقه بر تعبیرله بر شیه دیگر آراسنده کی مشترک جهلری بولان بر عمایدر ؛ دها دوعروسی تحلیل ، بر شیئی کندیمی اولمایان بر شینه کوره افاده ایتمکدر . بوسبیدن هر تحلیل بر ترجمه ، سه نبولرله بر ایضاح ، یکی بر شیئک اولجه بیلندیکنه اینانیلان دیگر شیلرله متوالی نقطه نظرله کوره تماس و مشارکت نقطه لرینک بر تصور ییدر . بونک ایچوندر که اطرافنده دونه که محکوم اولدینی شیئی آکلامه نک من الازل تسکین ایدیله مش آرزوسنده محبوس اولان تحلیل ، ا کسبیک قالان فکر لرینی تاملامق ایچون دائما رؤیت زاویه لرینی نامتناهی بر صورتده جوغالتهمده و دائماناقص قالان ترجمه سی مکملاشدیرمک ایچون متصل سه نبولرینی تنوع ایتدیرمکده در . فقط حدس ، ممکن اولدینی تقدیرده بسیط بر عملدر .

بونلر معلوم اولدقندن صوراکر مثبت علمده کی معتاد افعوله نک تحلیلدن عبارت اولدینی و هر شیدن اول سه نبولرله چالیشدینی پک قولای کورولور . حتی طبیعت علملرینک مشخصلرندن اولان حیات علملری بیله ذی حیات مخلوقلری آنجق مرئی اولابیلن شکلری ، اعضالری و تشریحی عنصر لرنده و بر قسمک شکل لرینی دیگر قسمک شکل لرله مقایسه ،

اك معضللى اك بسيطلره ارجاع ونهايت حياتك ايشله ييشنى كوزله كوروله بيله جك ظاهرى
 اعراضده تدقيق ايدەر . برشأنيق اضافى بر صورتده بيايمكدنسه اونى مطلق اولارق
 آلدە ايتديره جك وشأنيق حقتده نامتناهى نقطه نظر لر قبول ايتمكدنسه شأنيقه برلشديره جك
 وتحليل يرينه حدسه صاحب ايدە جك، الحاصل شأنيق هر درلو افاده، ترجمه وسه نبوليك
 تصور خارجنده ياقالاته جق برواسطه اولسه يدي، ايشته بيلكيناك بودرلوسى متافيزيك
 تا كنديسى اولوردى . شو حالده متافيزيك، سه نبولاردن واز كچمك اداسنده بولونان بر
 علمدر .

*
**

هميزك تحليل ايله دكلده حدس واسطه سيله ايجردن قاورداديمز هيچ اولمازسه بر
 شأنيق واركه . بو، بزم زمان ايجنده آقان كندى شخصمز ؛ امتداد ايدەن كندى
 انامزدر . بوندن غيرى ديكر هيچ برشى ايله ذهنأ سه نپاتيزه اولمايه بيليرز ؛ فقط كندى
 كنديمزله سه نپاتيزه اولديمز محققدر .

شخصى غير فعال فرض ايله، اوزرنده شعورمك درونى نظرينى دولاشديرديغ
 زمان اولاسطحه مادي دنيا دن كمش ورقابوق كبي قاتبلاشمش ادراك كورويورم .
 بونلر واضح، منفصل، بربرى اوزرينه قونمش ويا قونه بيلير بر حالده وكافه سى
 اشيا: objets حالنده طوبلانغه چاليشمقده درلر . دها صوكر ابوادراكه آز چوق ملتصق
 وبونلرى تفسيره خادم خاطرلر كلنور ؛ بونلر شخصك اعماقندن آيريلش وكنديلرينه
 بكنزه ين ادراك طرفندن محيطه جذب ايديلش كيديرلر . واصلا بنم كنديم اولمايوب
 اصل هويمك سطحنده درلر . ونهايت تحليللرله حركى اعتيادلرومذ كور ادراك وخاطره لره
 آز چوق صيقي برصورتده مربوط بالقوه برچوق افعال كلير . ايجه قرارلاشمش اشكالده
 اولان بوتون بو عنصرلر بكا، بربرلندن نه قادر منفصل ايسه لر انامندن ده اوقادار منفصل
 كورونورلر . هپسده داخلدن خارجه متوجه اولدق لردن مجتمعا خارجه عالمه دوغرو
 كنيشله يوب نابيد اولمغه كيدەن بر كره نك سطحى تشكيل ايدەرلر . فقط بن محيطدن
 مركزه دوغرو چكيلوب انامك عماتنده كى اك دكيشمه زه، اك مستمر واك غير منفصل كنديمى،
 اصل انامى آراسه م، بسبتون باشقه برشى بولورم .

شعورمك بختبلاشمش سطحى آلتنده بر آقيش ديومت Continuité ي واركه ايشته
 بو، هيچ بر آقيش ايله قابل قياس دكلدر . بو، اويله بر حالات تواليسيدر كه بونلردن

هر بریسی کنډیسندن سوکرا کله چکی بیلدیردیکی کبی کنډیسندن اولکیلیری ده احتوا ایدره. دوغروسی، بونلر آنجق یاشاندقن و خاطر مره منقلب اولدقن سوکرادرکه کثیر حالات تشکیل ایدرلر. فقط حس اولونوب یاشانیرلرکن بالعکس اوقادار محکم برتعصو و مشترک برحسانله دریندن جانلیدرلرکه ایچلرندن هر هانکی برینک نره ده بیتوب دیکرینک نره ده باشلادیغنی سویله مک قابل دکلدر. چونکه حقیقت حالده هیچ بری نه باشلار، نه ده بیتیر؛ بلکه هپسی بربری ایچنده اوزایوب کیدره.

تشبیه جائزه بودیمومت، برطوب قوماشک یوورالاندقجه آچیلمه سنی آکیرر. چونکه رولنک یاواش یاواش نهایته ایردیکنی حس اتمه ن هیچ برزی حیات یوقدر؛ و یا شامق اختیار لامق دیمکدر. فقط بوتمادی عینی زمانده بر ایپلکک یوماغه صاریلشی کبی دائمی بر صاریلشدرده. زیرا حالدن طوبلانا نلرله متادیا بو یون ماضیمزنی دائماً تعقیب ایدره. بونک ایچوندرکه شعور دیمک حافظه دیمکدر.

دها دوغروسی بوتمادی نه بر آچیلش، نه ده بر صاریلشدر. چونکه بوتشیهلر، اقسامی متجانس و بر لرینک برینه قائم اولاییله جک خط وسط جملرک تصورینی خاطر لاتیتر. حال بوکه برزی شعورده یکدیگرینک عینی اولاجق ایکی آن اصلا یوقدر. مثلاً ک بسیط برحسی آلام و بونی مستمر فرض ایدرک بوتون شخصیتی اونده کورم؛ بو حسه مترافق اوله جق شعور، متوالی ایکی آنده عینی قالاما؛ زیرا متعاقب آن، مقدم آنک بر اقدینی خاطرینی بهمه حال احتوا ایدره. ایکی عینی آنه صاحب اولاجق بر شعور، آنجق حافظه سز یعنی متادیا دوغوب بون بر شعور اولاییلیر. حافظه اولماسه بیدی غیر شعوریت تصور ایدیله بیلیرمیدی؟ شعورک آقیشنده کی منظرینی کوز اوکنه کتیرمک ایچون بونی بیکلرجه رنکک تظاهرینی ضبط ایدن و بر رنکدن دیکرینه غیر محسوس بر صورتده کچان بر طیف کبی دوشونم؛ فرض ایدم که رنکک هر بریله بویانه رق بو طیفدن کچه جک اولان برحس جریانیه صیره سیله بوتون بورنککری دویوب یاشیور و بونلردن هر بری متعاقب تحولی تلقین ایتدیکی کبی مقدم تحوللری ده کندنده اجمال ایدیور. فقط بر طیفده کی متوالی رنکک بر لرلندن دائماً خارج اولدقلری کبی بوراده کی توالیلرده بر لرینه انضمام صورتیه در. فضله اولارق بو رنککک هپسی برر مکان اشغال ایدرلر. صیروره صرفه *durée pure* یعنی حقیقی شعور آقیشی ایسه بالعکس نه خارجی بر انضمام صورتیه متادی، نه ده مکانی اولمادیغندن بو قبیل تصورلرک کافه سنی دافعدر.

اولیه ایسه ترجیحاً بالفرض ریاضی بر نقطه قادر اصغر نامتناهی درجه‌ده بوزولش برلاستیک تخیل ایده‌لم. شیمدی بونی نقطه‌لفدن چیقاره‌رق تدریجاً و متادیا بویون برخط حالنده چکلم و بواننده دقتمزی خطه دکل، فقط خطی چیزن فعله‌نثبیت ایده‌لم. بوفعلک بلاتوقف یاپیلدینی فرض ایدیلیرسه امتدادینه رغماً غیر قابل تجزی اولدینی کورولور. آرایه برتوقف ادخال ایدیلیرسه بریرینه ایکی فعل یایلمش اولور. بوفعلردن هربری ینه عینی ماهیده اولارق غیر قابل تجزی در. وبوفعل اصلاً قابل تجزی اولمیان فعل متحرک کندیسی دکل فقط مسافنده بر این حالنده وفعل مذکورک تحتنده مرتسم بر خطدن عبارتدر. الحاصل کندمزی حرکتک آئنده اوزانان مکندن قورتاره‌رق بالذات حرکته، محض حرکتیه باقه‌لم. ایشته آنجق اوزمان صیوروه حالنده کی آنامزک انکشافه دأردها صادق بر خیاله صاحب اولورز.

مع مافیله بو خیال‌ده ناتمام و ذاتاً بوتون قیاسلر کفایتسزدر؛ چونکه امتدادمزک آجیلشی بعض جهتلردن طوبلانان بر حرکتک وحدتنه، دیگر جهتلردن ده آجیلان برکثرت حالانه بکزه دیکندن هیچ برتشیه بووجهلردن برینی فدا ایتمکسزین دیگرینی تصور ایتدیره‌مز. بیکلرجه رنگ آتاتی حائر برطیفه تشبیه ایتسم کوزمک اوکنه تماماً اولمش بیتمش برشی کلور. حال بوکه صیوروه *la durée*، متادیا اولمقدمه در. اوزیان برلاستیک ویا آجیلوب قاپانان برزبرک کی تصور ایتسم یاشامش صیوروه خاص اولان کیفیتلری اونوته‌رق شعورک برآندن دیگرینه کچیشندن عبارت اولان بسیط برحرکت کوره‌جکم. درونی حیات ایسه کیفیتلرده تنوع، ترقیآنده دیومت واستقامنده وحدتک هپ بردن، یعنی عینی زمانده حصول بولوشی اولدیغندن شعورک آقیشنی خیاللر *les images* له کوسترمکه امکان اولمادینی آکلایشلیر.

مفهوملر یعنی مجرد، عمومی، بسیط فکریله کوسترمک ایسته‌نیلیرسه دهافنا اولور. الحاصل شعورمک بالذات کندی آقیشندن آلدیغ اوریشینال دوغیونی هیچ بر خیال ایله افاده ایده‌میه‌جکم شبه‌سزدر. فقط بونی یایمینی تجربه ایتهمده ضروری دکلدر. کندی وارلفنک یایجی امتدادینک حدسنی دویه‌بیله‌جک بر استعداده اولمیان کیسه‌یه بونی نه‌مفهوم، نه‌ده خیاللر ویره‌بیلیر. فیلسوفک یگانه موضوعی، اکثر انسانلرده بولونان معیشته‌ده نافع ذهن اعتیادلرینی مننه متوجه برنوع ذهنی سعی استجاب ایتک اولمالیدر. مفهوملره نسبتله خیال *image* ک محسناتی شودرکه بزنی هیچ اولمازسه مشخصدن آیرماز. واقعا

هیچ برخيال، صیورونهك حدسی یرینه قائم اولماقوله برابر مختلف ماهیتده اشیادن مختلف خیالار آارق بونلرك تاثیرلری محصله سیله سزیه بیله جك بر حدس نقطه سنه قادر شعوری سوق ایتمك ممكن اولاییلیر. امکان نسبتنده مختلف خیالار سچیلمه سی ورقیلرك بر برلرینی دفع ایتمه لری سسایه سنده بونلرك حدسی دعوت ایتمكدن عبارت اولان وظیفه لری یرینه حدسك موقعی غضب ایتمه لری نه مانع اولونور. مختلف وجهده اولمالرینه رغماً بونلر حقنده روحزدن عینی دقتی و عینی درجهده توتری ایجاب ایتمک صورتیه شعور یاواش یاواش اوله خصوصی و معین بر استعداده آلدشیدیرلیر که بونك نتیجه سنده اونك کندی کندینه قارشى عیان کورونمه سنك قبولی بر مجبوریت اولور. یالکیز اونك بوجهده راضی اولما سی ده لازمدر. زیرا بویایلمادجیه هیچ بر شی کورونمز. یایله جق شی، مطلوب اولان جهدی ایفایه مجبورایدیه جك بروضعیته ساده جه برلشمك وحدسه بالذات واصل اولمقدرد. عکسی تقدیرده بوقیل بر موضوعده چوق بسیط مفهوملرك شو محذورلری واردر که بونلر حقیق سه نبول اوله لری وسه نبولایزه ایتمک لری موضوعك یرینه کچمه لری دولایسیله بزدن هیچ بر جهده ایسته مزلر. بومفهوملره یاقیندن باقارسق کورورز که هپسی دلالت ایتمک لری موضوعك اوریشینال جهتی دکل، بلکه دیگر موضوعلره اولان مشارکت و مشابهت نقطه لری ضبط ایتمشدر، یعنی موضوعی، مشابهلریه مقایسه : comparaison ایتمشدر. مقایسه، بر مشابهت کوسترمك؛ مشابهت، موضوعك بر خاصه سی اولق، بر خاصهده بو خاصیه مالک اولان شینك یرجزؤ : partie ی کی کورونمك دولایسیله مفهوملری مفهوملره علاوه صورتیه موضوعك اجزاسیله برلکده کفی وجوده کتیردیگمزه و بو صورتیه موضوعك ذهنی بر معادلی آله ایتمدیگمزه قولایجه قانع اولیوروز. مثلاً وحدت، کثرت، دیمومت، مناهى، نامناهى، قابل تجزی ودها بوکا بکزه بر مفهوملری صیره لامقله صیورونهك صادق بر تصویرینی وجوده کتیردیگمزی ظن ایدیوروز. ایسته اصل وهم بوراده اولدینی کی تهله کده بوراده در. مجرد فکرلر تحلیلایه یعنی بر موضوعك کندندن غیریشیلره مناسبترینك علمی تدقیقنه نه قادر چوق خدمت ایده رسه حدسك یعنی متافیزیک استقصانك یرینه قائم اولمغهده اونسبتنده اقتدار سزدر. چونکه متافیزیک استقصا، بر شینك اوریشینال نقطه سنی استهداف ایده رکن علمی استقصا عمومی و مشترک وجوهی، غیر شخصی جهتی استهداف ایده ر. احواله بزه شأینتک یالکیز کولکسنى عرض ایده نلرك اصوللریه اصل شأینتک آله ای دیله بیله جکنه اینامق بیهوده در. همده بوکا اینامق یالکیز وهم دکل،

بویوک برتهلکدر . چونکه مفهوم ، یالکز تجریدده قالمایوب تعمیمده کچر ؛ وخصوصی برخاصه بی آنجق نامتناهی شیلرله مشترک قیلماق شرطیله تجرید ایده بیلیر . دیمک که مفهوم ، بوخاصه بی دایما آز چوق تعمیم ایتمکله شکل اصلیسندمه براقایوب بوزویور . هرشینک خصوصی واوریشینال خاصه سی سزمکه چالیشان متافیزیک ایسه بالعکس موضوعیله همحال اولیور ؛ ویا هیچ اولمازسه اونک قالینه دوکوله رک اصل شکلی قبول ایدیور . برشی متافیزیک ساحه سندن چبقاریلوب بر مفهوم ایله ارائه ایدیلنجه بومفهوم اوشینه مائل اولانلری ده احتوا ایتمک مجبوریتده اولدیلندن ، شیئی آشمش اولور . الحاصل برشینک خواصندن تشکیل ایتدیکنمز مختلف مفهوملر بوشینک اطرافنده اوقادار چوق ده اکنیش دایره لر چیزه که بونلرک هیچ بری اوکا صحیح بر صورتده مطابق کیز . عینی برشیده ایسه خواص ، عینی زمانده اوشینک هیئت عمومیله سیله برلکده بولونیوردی . علمی تحلیل بو عینته وارامادیلندن برشینک کندی کندیسیله مطابقتی تأسیس ایتمک ایچون برالصنع آراغه مجبور اولاجقدر . بونک ایچونده مذکور مفهوملردن برینی آلاجق بونلکه دیگر مفهوملری برلشدیرمکه صاواشه جقز . فقط بوبرلشدیرمه ، شو ویا بومفهومدن حرکتمزه کوره عینی طرزده اونسایه جقدر . مثلا وحدت ویا کثرت مفهومندن حرکت ایتدیکنمزه کوره صیوروره نک متکثر وحدتی باشقه باشقه آکلایاجقز . الحاصل هرشی ، مفهوملر ایچندن شو ویا بوکا عطا ایده جکمز قوته تابع وبو قوتده دایما عندی اولاجقدر ؛ چونکه شیدن استخراج ایدیلش اولان مفهوم ، بر جسمک کولکده سندن باشقه برشی اولمادیلندن قوتسزدر . تدقیق ایدیلن شاییت حتمده خارجی نقطه نظرلر موجود اولدجه وبوشاییتی کندندن کنیش دایره لر ایچنده حبس ایتمک ایسه دیکه مختلف بر چوق بوملر چیقاجمی ده میدانددر . بسیط مفهوملرک محذورلری ایسه موضوعک یالکز مشخص وحدتی بر چوق مجرد افاه لره پارچالامقله قالمایور ؛ فلسفه بی ده متخالف مکتبلره سور وکلهور بونلردن هر بری کندی موقعی محافظه وکندی فیشرینی انتخاب ایدرک بربرلیله صوکی کله ین برایونه کیریشیورلر . متافیزیک ، یا بر فکر اویونیدر ویا روحک جدی برمشغله سیدر . بر فکر اویونی دکلدده بر علم ایسه حدسه واصل اولماق ایچون مفهوملرک فوقه چیقما لیدر . هیچ شبهه یوق که مفهوملر اوکا آژمدر ؛ زیرا دیگر بوتون علملر بر معناد مفهوملره چالیشمده و متافیزیک دخی بو علملردن واز کچه میه جک برحاله بولونمده در . فقط متافیزیکک متافیزیک قاله بیلدی ، یا مفهومی آشمه سنه یا خود هیچ اولمازسه بر معناد قوللانه کلدیکمز

مفهوملردن خيلى فرقى يعنى يوشاق ، متحرك ، سيال و حدسلك دائما آقيجي اولان
شكلىرينه اوينغه ميسال مفهوملر ياراتق اوزره قاص قاطى و اولش يتمش مفهوملردن
قورتولمىسنى متوققدر . بو مهم نقطه يه آشاغىده يته عودت ايدى جكز . بورايه قانداق
صيورده مزك بزه بلا واسطه آنجق بر حدس اينجده عرض ويا خيالارله بالواسطه تلقين
اولونه بيله جكنى ، فقط خاص معناسنك مفهومه بر ايقلمىسى ويا مفهومى بر تصورده حبس
ايدىلىسى صورتلريله بيلينمىه جكنى كوسترمش اولق بزه كافى كورولسون .

صيورده بي برآن ايچون اولسون كثرت حالنده تصور ايدىلم : در حال علاوه ايتك
لازم كله جك كه بو كثرتك حدلرى هر هانكى بر كثرتك حدلرى كى متفارق اولمايوب بر لرلرینه
كچمشلردى؛ واقعا صيورده بي ، بردفعه ماضى يه قاريشدىردقندن صوكرامخيله نك بر جهديله
بر برينه علاوه اولونان پارچهلره تقسيم و بوتون بوتونى حساب ايدى بيله جك صورتده تصلب
ايتديره بيله جكمز شهبه سزدر . يالكلز بو عمليه بالذات صيورده اوزرنده دكل ، صيورده نك
تصلب ايتمش بر حالده بولونان خاطرده سنده ، يعنى صيورده حر كتنك كندى آرقه سنده
بر اقدىنى غير متحرك ايز اوزرنده ياپيله بيلير . شوخالده اعتراف ايدىلم كه بوراده بر كثرت
وارسه بو كثرت ديكر هيچ بر كثرته بكمزه مكددر . او حالده صيورده و وحدتى واز
دييه جكز؟ هيچ شهبه يوق كه بر برلرى اينجده اوزانوب كيدىن بر عناصر ديمومتك كثرته
اولدىنى قانداق وحدته ده مشاركتى واردر . يالكلز بو متحرك ، متحول ، رنگلى ،
ذى حيات وحدت آرتق وحدت محضه مفهومك قيد ايتدىكى مجرد ، غير متحرك و بوش
وحدته بكمزه من . او حالده بوندىن چيقاراجمىز نتيجه ، صيورده عيى زمانده هم وحدت
همده كثرته تعريف ايدىلىدر نتيجه سى مى اولاجق ؟ غريب كله جك اما نه ياپيم ؛ بو
ايكى مفهومى ناصيل اويروب چويرسه م ، نه بولده مزج ايتسه م ، ذهنى كيميانتك اينجه
عمليه لرلى اوزرلرینه تطبيق ايتسه م صيورده حقنده صاحب اولديغ بسط حدسه بكمزه بر
شى آله ايتك قابل اولمايا حقدر . فقط بونك يرينه حدسلك بر جهديله صيورده يكيدىن
برلشسه م در حال اونك ناصيل بر وحدت و كثرت و دهاده بر جوق شيلر اولديغى همان
كورمكه باشلايه جقم . مذكور مفهوملر ايسه صيورده حقنده بر جوق خارجى نقطه نظرلردن
باشقه برشى و برمه ديكندىن بوتون ايتير آبرى ، ايتير برلكده بى بالذات صيورده نفوذ
ايتير مزملر .

بونكه برابر اوكانفوذ ايدىليور و بونفوذ آنجق حدس ايله اولابيليور . آناده كى

صبر و نك ینه بالذات انا واسطه سیله مطلق درونی بر بیلگیسی ایشته بومعناده ممکندر .
 لکن متافیزیک بو خصوصده بریاندن حدس طلب ایدیور و اید بیلورسه علمده
 دیگر یاندن اونسته تحلیل احتیاجنده بولونیور . ایشته فلسفی مکتبلر آراسنده کی مناقشه لر
 وسیسته ملر بیننده کی مصادمه لر هب حدس ایله تحلیل روللری آراسنده کی برالتباسدن ایلری
 کلیور .

دیگر بوتون علملر کبی روحیاتکده اصولی فی الحقیقه تحلیل در . بو علم ، کندیسنه
 اولابسیط بر حدس ایچنده و بریلش اولان انایی احساسلر ، حسلر ، تصورلر و اخ اولوق
 اوزه تحلیل ایدره ک هر بر لرینی آری آری تدقیق و بوسورتله اناک یرینه بسیقولوژیک
 واقعلردن عبارت بر صبره عنصرلر اقامه ایدره . فقط بو عناصر : éléments ، اجزا
 parties میدرلر ؟ ایشته بوتون مسئله بوراده در و بومسئله باشند صا و ولدینی ایچوندر که
 شخصیت بشریه دعواسی اکثریا غیر قابل حل تعیرلرله موضوع بحث اولیور .

قابل اعتراض دکلدر که بر شخصه عائد اولان هر بسیقولوژیک حال بو اعتبارله شخصیتک
 هیئت عمومی سنی عکس ایتدیرر . نه قادر بسیط اولورسه اولسون بر حس یوقدر که کندیسنی
 دویوب یاشایان کیمسه نك ماضی و حالی بالقوه احتوا اتمه سین و اوندن آریله رق باشقه بر
 « حال » تشکیل اید بیل سین . بویه برشی اولسه اولسه آنجق بر تجرید ویا تحلیل ایله
 پایله بیلیر . معافیله بو طرزده بر تجرید و تحلیل جهدی اولمق سزین روحیات علمنک انکشافنه
 احتمال اولامایه جنی ده هیچ بر اعتراض کوتورمن . شیمدی عجا بسیقولوژیک بر حالی
 روحیاتجی ناصیل بر عملیه ایله شخصیتدن آیره رق آز جوق مستقل بر عین ثابت entité
 کبی احداث ایدیور ؟ شخصیتک ذاتی و خصوصی رنگی یعنی کیفیت ، معلوم و عام تعیرلرله
 افاده ایدیه مدیکی ایچون بو جهت اهمال ایدیلور . صوکراده بو صورتله ذاتاً
 بسیطلشدیرلش شخصده علاقه بخش بر تدقیقه مساعد اولان شو ویا بو جهک تجریدینه
 چالیشیلور . مثلاً بر شخصدر کی تمایلک تدقیقی موضوع بحث ؟ روحیاتجی بو تمایلک
 کندیسنه خاص و غیر قابل افاده اینجه ک فرقی یعنی بنم تمایلی سزک تمایلکزدن آیران
 جهتی بر طرفه بر اقیور ؟ صوکراده شخصیت سزک هر هائی بر سئیه دوغرد کیده حرکنه
 باغلانهرق بو وضعیت تجرید ایدر که اصل مستقل بر واقعه حالنده کوسرتیله ک اولان
 جهت ، بو تمایلک شخصی اولان وجهی ، مشخص تمایلک « شه ما » سی در . بو ، نه یه
 بکرره بیلر میسکز ؟ طبقی بر صنعتکارک بارسدن کچرکن « نوتر دام » قوله لرندن برینک
 الهیات مجموعه سی ، صابی : ۹

قروکیفی آماسنه ... حالبوکه قوله بنایه ، بناده طوبراغه و بونک اطرافيله بوتون پارسه والح لاینفک بر صورتده مربوطدر . بوراده آیرمقدن باشلامق لازم کلنجه بالطبع هیئت عمومیه دن مثلاً قوله کبی هر هانکی بر منظره قید ایديله جکدر . قوله ایسه حقیقت حالده طاشلردن متشکلدر . و اوکا شکلی ویرن بو طاشلرک خصوصی بر تجمعیدر . فقط رسام طاشلرله علاقه دار اولمایوب ، ساده جه قوله نک کولکه سنی نوط ایدیور ، یعنی قوله نک شانی و درونی تعصوی یرینه خارجی وطاسلاق برشی اقامه ایدیور . بر حالده که چیزیلن رسم موضوع حقدنه هر هانکی بر نقطه نظر ، هر هانکی بر ارانه طرزینک انتخابه تقابل ایدیور . ایسته بر شخصک هیئت عمومیه سندن بسیقولوژیک بر حالی آیران روحیاتی ده طبق بویه یایور . تجرید محصولی اولان بو بسیقولوژیک حال ، بر قروکیدن ، یکیدن انشانک صنی بر باشلانقیچندن باشقه برشی دکدر . باشقه بر تعبیرله مجرد حال ، کلک بالخصوص علاقه دار اولونان هر هانکی عنصری وجهی زاویه سندن کورولمسی و اوصورتله قیدینه اهتمام ایديله سیدر . بوماهیته بر حال ایسه شخصک بر جزئی اولمایوب آنجق بر عنصریدر و جزؤلره تقسیم صورتيله دکل ، تحلیل واسطه سیله آله ایدیلشدر .

شیمدی بواجبی ، پارسدن آلدینی بوقیل بوتون قروکیلرک آتنه خاطره یازه جق برده « پارس » دییه یازه جقدر . وفی الحقیقه پاری کوردیکندن پارسک کلندن آلدینی اوریزینال حدسه استناداً قروکیلرینی یرلی یرینه قویمنی و بر برلرینه باعلامنی بیله جکدر . فقط بونک عکسی بر عملیه بی پایه نک اصلا امکانی یوقدر . مثلاً پاری هیچ کورمه مش بر کیسه ، نه قادر صحیح قروکیلره صاحب اولورسه اولسون ، هینسی برلشدرمی اخطار ایدن « پارس » کله سنک دلالتنه رغماً بو شهرک نه بر حدسنه یوکسله بیلر ، نده اونک بر انطباعنی آلابیلر . چونکه آله موجود اولانلر کلک جزؤلری دکل ، باشکه هیئت عمومیه دن آلینمش نوطلردر . دها قوتلی باشقه بر مثال آلام و فرض ایدلم که بکا هیچ بیلمه دیکم بر شعری ترکیب ایدن حرفلری کایشی کوزله قاریشیدروب ویردیله . بونلر شعرک جزؤلری اولسه لردی ، چوجقفلرک مکعب اویونلری کبی بنمده محتمل بر چوق ترتیباتی تجربه ایدرک شعری چیقارتمقای ممکندی . فقط بوراده بر آن ایچون بیله بونی دوشونم ؟ چونکه بکا ویریلن حرفلر شعرک اجزای مرکبسی دکل ، بسبتون باشقه بر شی اولان افادات هزیه لری در . بوکا مقابل شعری اولجه بیلمش اولسه یدم حرفلرک هر برینی در حال یرلی یرینه قویار بوتون شعری صیره سیله و مشکلاتسز دیزه دردم . فقط بونک عکسی اولان بر عملیه نک

بایلمه‌سنه اصلا امکان یوقدر. حق بونی بجره بیله جکمه اینانسه م و حرفاری یان یانه دیزمه
صاواشسه م بیله ایشه اولا معقول بر معنا تصور ایتمه که باشلار یعنی اولا بر حدس ایدینیر
واقاده بی یکیدن تشکیل ایده جک اولان رضی عنصر لره آنجق بورادن وارمغه صاواشیرم .
چونکه اولجه معلوم اولمایان بر شینک حقیقی اجزاسیله دکلده عناصر رضیه سیله احیا
ایدیله بیله جکمه اینانمق حوصله نك آلمایه جنی بر عبدر .

مع مافیله بر شخصی، بسیقو لوژیک حالریله یکیدن ترکیب واحیایه اوغراشان فیلسوفلرک
یادقلری شی بوندن فرقلی بر عملیه دکدر ؛ حق بونی ایستر او حالرک بالذات کندیلری
و ایستر بو حاللری بر برینه باغلیه جق بر ایلمک علاوه سیله یایسینلر ، مسئله ینه عینیدر .
کرك آپریست و کرك راسیونالیستلر ایشه بو غفلتلرندن بی خبردرلر . بونلرک هپسی قیودات

جزئی : les natations Partielles بی اهدای مأیمة : les parties réelles مقامنده آلیور
وبوصورتله تحلیل نقطه نظری حدس نقطه نظرینه ، یعنی علمی متافیزیکه قاریشدر بیورلر .
برخیلر حقلی اولارق دیمورلرمی که بسیقو لوژیک تحلیل ، بسیقو لوژیک حالاتدن باشقه

هیچ برشی کشف ایده من ؟ تحلیلک افعوله و تعریفی ده بوندن باشقه برشی دکدر . روحیاتینک
شخصی تحلیل ایتک یعنی اونک حالرینی قید ایتمکدن باشقه یابه جنی برشی یوقدر . شخصیله
کنجه قروکیلرینک اوزرینه « پارس » کله سنی یازان سیاح صنعتکار کی بوده قید ایتدیکی
حالرک اوزرینه « انا » عنوانی قویه جق و بونلره « انا نك حالاتی » دییه جکدر . فی الحقیقه

روحیاتینک یرلشدیکی ویرلشمکه مجبور اولدینی نقطه دن باقیلیرسه « انا » ، بر اشارتدن
باشقه برشی دکدر ؛ اولیه بر اشارت که بونکه آنجق بسیقو لوژینک کندی موضوعه
تدارک ایتدیکی ابتدائی بر حدس (که بوده چوق مهمندر) خاطر لایر و بوراده کی
« انا » هر هانکی بر کله دن باشقه برشی اولماز . ایشه اصل بویوک خطاء بو وضعیتده قالدیندی

حاله کله نك آرقه سنده برشی بولونه بیله جکمه اینانمقده در . روحیاتده یالکز روحیاتچی
قالغه راضی اولمایوب عینی زمانده فیلسوف اولمق ایسته ین (تن) و (استوارت
میل) لرکی . فیلسوفلرک خطالری ده بوراده در . بوذوات تطبیق ایتدکاری اصول
اعتباریه روحیاتچی ، اختیار ایتدکاری موضوع اعتباریه متافیزیکچی قالدقلرندن بر حدسه

محتاجدیله و بونی غریب بر رابطه مزلقله حدسک منکری اولان تحلیلدن بکله دیلر . انا بی
آرادیلر و بونی بسیقو لوژیک حالرده بولمق ادعاسنه دوشونجه بونلری ، آنجق انا نك
خارجنه چیقلمق و شخص حقیقه ساده جه برصیره قروکی ، نوط و آز چوق شه ماتیک

وسه نبوليك تصورلر صورتده آله ايتديلر. بوش بره حالاني حالانه علاوه وبونلرك تمايلرني
تكثير ايتمكه وآراده كي صيروره فاصله لرني كشف ايتمكه اوغراشديلر؛ انا ايسه اونلردن
متصل قاچدى وبونك عاقبتى بك طبيعى اولارق اناني بوش بر خيالت كبي كورمكه
منجر اولدى . « ايليانا » نك معناسى بوش يره كنديسنى تركيب ايدهن حرفلرك آرالرنده
آرايوبده بولاما نجه بوخسراني وسيله اتحاد ايدهرك ايليدانك معناسى انكار ايتمك نه ايسه ،
بو فيلسوفلرك يابدقلى ده عيفى شيدر .

ديك اولويور كه فلسفي آنيپريزم ، حدس نقطه نظريه تحليل نقطه نظري آراسنده كي
برالنباسدن دوغمشدر . بوسيدن آنيپريزم ، بالتقيجه اوريز بنالي ترجمهده آرامغه وبوراده
طبيعتيله بولونامايه جنى ايجون بووسيله دن بالاستفاده اوريز بنالي بالضروره انكار ايتمكه منجر
اولدى . فقط ياسيلان شيئه ياقيندن باقيليرسه بو انكارك معناسى ساده جه شورد : تحليل ،
حدس دكلدر . وبوده بالنفس بدهتدر . علم ، موضوعنك كنديسنه ويرديكي وذاتاً مبهم
اولان ايلك حدسدن درحال تحليله كچيور ؛ تحليل ده موضوع حقتده كي نقطه نظرلري
نامناهي بر صورتده تكثير ايديور وصوكر ا بونلردن بر تركيب ياقمله اونى يكي باشدن
احيا و تركيب ايده بيله جكسه چابوجق اينسانيور . ديوارده كي كولك لره اله كچه بيله جك بر
اويونچاق ياق ايسه ين برچوجكك باشنه كلنر كي بزم المزدن ده موضوعك متهايداً قاچديغنى
كورورسهك حيرتمى ايده جكز ؟

اوهت ، راسيوناليزم ده عيفى وهمك قوربانيدر . بوده آنيپريزمك ارتكاب ايتديكي
مهميتدن حركت ايدهر وشخصيته واصل اولمقده اونك قادار اقدارسز قالير . چونكه بوده
آنيپريزم كبي بسيقولوزيك حاللري انادن مفرز حقيقى جزؤلر كبي كورور وينه طبقى اونك
كبي بونلري برلشديرمكه اناني يكيدين يابه جغه اينانير . نهايت آنيپريزم كبي شخصك وحدتى
قاوراق ايجون ياديني كونا كون غيرتله رغماً اونك بر خيالت كبي اله آوجه اصلا
صيفماديفنى كورور . يالكز شوفرقله كه جدالدين بيتاب اولان آنيپريزم ، « انا » نك موجود
اولماديفنى وانجق بسيقولوزيك حالانك بولونديغنى اعلان ايله ايشك ايجندن صيريلشككن
راسيوناليزم ، شخصيتك وحدتى تصديقده بالعكس مصر قالمشدر . بو وحدتى بالذات
بسيقولوزيك حاللر زميننده آرامقده فضلله اولارق تحليلده بولديغنى بوتون كيفيت ومعنالىرى
انجق بسيقولوزيك حاللر حسابنه كچيرمكه مجبور اولديغندن نتيجه ده شخصك وحدتى
نامنه آله آوجوده ساده جه منفي وهردرلو معنادن عارى بر شيدن باشقه سنك قالمايه جنى

آشکار دره. پسیقولوژیک حاله بالضروره یالکز کندیلری ایچون آلینوب محافظه ایدلر کندن بو تحلیلده جزئی بر مادیت چهره سی کوسترین هرشی ، « آنانک وحدتی » ماده سز بر صورت ، غیر معین وبوش مطلقلردن باشقه بر شی اولامایه جقدر . آنپیریزمک شخصه ، آنایه معادل طوئدینی پسیقولوژیک حالره ، باشقه بر تعبیرله بونلرک قولکسیونندن استخراج ایتدیکنی ظن ایتدیکی بو کولکه آنالره راسیونالیزم ، شخصیتی یکیدن انشا ایچون دها غیر شائی، دها دوعروسی ایچنده کولکلر قاینشان و کولکلر بوواسی دینه بیله جک اولان بوش برشی علاوه ایدر . حقیقت حالده صورتسز اولان بو « صورت forme » ، جانی ، فعال ، مشخص بر شخصیتی ناصیل توصیف و (احمد) ی (محمد) دن ناصیل تمیز ایدیه بیلیر؟ شخصیتدن بویله بر « صورت » تجرید ایدن فیلسوفلرک بالاخره بونی شخصیتی تعیننه غیر مقتدر بولملری و یابدقلمری بوش آنالری یاواش یاواش نه (احمد) ، نه ده (محمد) . عائد اولمایان و ایسته نیرسه ایچنه بوتون بشریت ، آله و عمومیتله موجودیتی آلیبیله جک دیدسز برقاب یامغه وارمه لری شاشیله جق بر شیمیدر؟ بن بوراده آنپیریزم ایله راسیونالیزم آراسنده یالکز شوفرکی کورویورم : برنجیلر آنانک وحدتی پسیقولوژیک حالرک برنوع صیوروه فاصله لرنده آرایه رق بوقاصله لری دایما دیکر حالات ایله دولدورمنه کیده و نهایت کیتدکجه دارالان برفاصله ده صیقیشان آنا، تحلیل ایلری به کونورلدیکی نسبتده ، « صفر » . دوعرو کیده . آنایی پسیقولوژیک حالات بر مقری یابان راسیونالیزم ایسه بزى ، شو ویا بوراسنده توقفه هیچ بر سبب اولمایان و کندیسنه تعین ایدلدیکی ادعا اولونان حدود متوالیه دن هر برینی آشان ودائمی بر توسعه آرتق « صفر » . دکل ، فقط « نامتناهی » ده قایب اولمغه کیده بوش بر بعد فارشیسنده براقیر .

(نه) ک سوزده « آنپیریزم » ی ایله بعض آلمان پانته یستلرینک الک یوکسک سپه کولاسیونلری آراسنده کی فرق ، ظن اولوندیغندن چوق دها آزدرد . هر ایکی سپه کولاسیونده اصول ، ترجمه نك عناصر : éléments ی اوریشینالک ایزا : parties سی ایملر کی محاکمه ایتک اولدیغندن عینی شی در . حال بوکه حقیقی آنپیریزم ممکن اولدیغنی قادر اوریشیناله یاقلاشمنی و بونده کی حیاتی تعمیق و برنوع زهنی اصفا : auscultation intellectuelle ایله روحک ضربانی حس ایتمکی استمداف ایدر ؛ ایسته بو صحیح آنپیریزمدرکه حقیقی متافیزیکدر . واقعا بو طرزده چالیشمق صولکدرجه ده مشکدر . چونکه مفکره نك کونده لک ایشلر ایچون قولاندیغنی حاضر تاقی و مفهوملر بوراده هیچ برایشه یارامازلر . آنا، کثرت

یا خود وحدت و یا بونلرک ترکیبدر دیمکدن دها قولای نه اولابیلیر؟ بوراده قوللانیلان وحدت و کثرت، موضوعه کوره بیچلمش و بواجتیاجه کوره یایلمش مفهوملر اولمایوب اورته مالندن آیلنمش و (احمد) ه اولدینی قادار (محمد) هده اوپان؛ چونکه هیسج بریسنگ شکلنه کوره یایلمامش بولونان حاضر الیسهلر کیدرلر. آنپیرزم دینمکه لایق یعنی آنحق اولچو ایله چالیشان بر آنپیرزم، تدقیق ایتدیگی هر بیکی موضوعه مطلقاً تماماً یکی بر جهد صرف ایتمکی بر وظیفه بیلدیگی کی بونلره سادهجه کندی موضوعلرینه اوییهله جک مفهوملر بیچمکه صاواشیر و کوره نلر ایشته یکی بر مفهوم دها دینه بیلیرلر. مثلاً وحدت و کثرت کی خرج عام و مال مقوم اولمش فکرلری مزج ایدرهک چایشماز. بالعکس بزى امثالسز و بسیط بر تصویره کوتورور و بو تصور بر کره تشکل ایتدکدن صوکره بونک اورته مالی اولان وحدت، کثرت و الخ قادرولری ایچنده نه دن بر بوله ییهله جکی پک ائی آکلاشیلیر. الحاصل بو صورتله تعریف ایدلمش فلسفه، ارتق مفهوملر آراسنده انتخاب بر مکته اتسابه متوقف اولمایوب بالعکس بوتون فلسفی مکتبلرک فوقه یوکسهله جک و عینی زمانده کندیسندن مختلف مفهوملره یکیدن واریللاجق امثالسز بر حدس آرامغه منتهی اولاجقدر.

شخصیتک بروحدته مالک اولدینی محققدر؛ فقط بومقوله بر تصدیق، شخصی دن عبارت اولان بو وحدتک فوق العاده ماهیتی حقنده بکا هیسج برشی اوکره تمز. اناضرده کثرت اولسون؛ بونی ده قبول ایدیورم؛ فقط بوراده اویله بر کثرت وارکه بونک دیگر هیسج بر کثرت بکیزمه دیکنی ایجه بیلیمک لازمدر. فلسفه ایچون اصل مهم اولان شی، هانکی کثرت، هانکی وحدت و شخصک متکثر وحدتک مجرد وحدت و کثرتله نسبتله هانکی فائق شأنیت اولدینی بیلیمکدر. بوده آنحق اناک بسیط بر حدسنگ انا واسطه سیله یکیدن یا قالانسیله تأمین ایدیلیر. بوندن صوکره حدس، بولوندینی شاهقه دن تکرار ایتک ایچون، انتخاب ایده جکی میله کوره شخصک جانی و متحرک حیاتی تعریف صدندده تجربه ایدلمش وحدت، یا خود کثرت و یا خود مفهوملردن هر هانکی برینه منتهی اولاجقدر. فقط بو مفهوملرله یایله جق هر هانکی بر خلیطه نک صیرورت بولان شخصه بکیزمه جک هیسج برشی و یرمیه جکفی ادعا ایدیورم.

بکا مجسم بر مخروطی اولا کواستراکز؛ بونک تپه سنه دوغرو ناصیل دارلارلق ریاضی بر نقطه ده قایب اولغه کیتدیگی و صوکراده قاعده سنه دوغرو نامتناهی برداثره حالنده

ناصیل آچیلدینی بلامشکلات کوررم . فقط بونی کورمەدن نه نقطه ، نه دأره ، نه ده بونلرک برسطحه بربرلری اوزرینه علاوه لری بکا مخروط حقنده اک اوقاق، بر فکر بیله ویره منزل . بسیقولوزیک حیاتک وحدت و کثرتی ده طبق بونک کبی یابیلور . مثلاً آنپیزم وراسیونالیزم مسککری شخصیتی « صفر » و « نامناهی » به بصورتله منجر قیلیورلر .

باشقه بریده کوستریله جکی اوزره مفهوملر بر معتاد مضاعف کیده ر وایکی ضدی کوسترلر . کندسی حقنده عینی زمانده متضادایی کوروش آینه ماجق و بالنتیجه متضاد ایکی مفهومه مستعد اولایه جق مشخص برشأیت همان یوق کیدر . نینه کم بر مدعا ایله بر نقیض مدعای منطقاً تألیفه اوغراشمەنک بهوده لکی ، مفهوم ویا نقطه نظر لرله بر شینک یابیله سنه اصلاً امکان اولمامه سی کبی بسیط برسیدن ایلری کلیر . فقط حدس ایله قاورانمش بر شیدن بر جوق احوالده متضاد مفهوملره بلامشکلات کچیله بیلدیکی کبی مدعا و نقیض مدعایک شأیندن ناصیل چیدینی ده کورولور و عینی زمانده بونلرک ناصیل چایدشوب ناصیل باریشدقلری دنخی قاورانیر .

یالکز بونک ایچون ذکأنک معتاد چالیشی بر عکس ایدمک لازمدر . معلومدر که دوروشومک ، بر معتاد شیردن مفهوملره دکل ، مفهوملردن شیره کیتمکه واقعدر . بیلمه نک زبازد معناسیله بر شأیتی بیلمک اولدن حاضر و موجود مفهوملری بو شأیتک عملی بر معادلتی بولونجه یه قادار بربرلیله مزج و ترتیب ایتکدر . ذاتاً ذکأنک نورمال چالیشی حسی برچالیشمه اولمقدن اوزاقدر . عمومیتله دینه بیلیر که بز بیلمکی ، بیلمک ایچون دکل ، بر حصه ، بر پای چیقارمق ، بر استفاده تأمین و بر علاقینی تطمین ایتک ایچون ایستورز . بیلینه جک شینک نه درجه یه قادار بو ویا شو اولدینی ، هانکی معلوم جنسه داخل ونه نوع فعل و طور و حرکت تلقین ایتمه سی لازم کله جکنی آریورز . ممکن اولان بو مختلف افعال و اوضاع تفکر مرک ابدیاً معین مفروضی استقامتله : directions conceptuelles یعنی تشکیل ایتدکلرندن بونلری تعقیب ایتکدن باشقه یاسیله جق برشی قالمیور . مفهوملرک شیره تطبیقلری ده بالطبع بویله اولیور . بر مفهومی بر موضوعه تطبیقه چالیشمق ، او شینک بزه نه یه یارایه جغنی ونه یایه جکنی صورمقدر . بر موضوع اوزرینه بر مفهومک نه تیکه تی یابیشدیرمق و موضوعک بزه تلقین ایتمه سی ایجاب ایدن فعل و طورک جنسنی محمل تعبیرلره دوشه مکدر . او حالده معنای موضوعیله هر بیلکی شو ویا بو استقامته متوجه ،

یا خود شو و یا بو نقطه نظر دن آینه شد ر . فی الواقع علاقه مزده اکثریا چوق مضلدر .
 بو سبب دن عینی بر موضوع حقیقه کی بیانگیمز دایما بر بری آرقه سندن استقامتله توجه
 ایتمکده و مختلف نقطه نظرله یول آچمده در . نیته کیم بر موضوعی « کنیش » و « احاطه لی »
 صورتده بیلیمک تعبیر لرنیک زبازرد معنالی آنجق بو طرزده بر بیلگی قصد ایتمدیکندن
 موضوع ، بوراده امثالسز بر مفهومه ارجاع ایدیلله یوب کندیسيله « مشار کتدار » عد
 ایدیلن بر چوق مفهومله افاده اولونور . فقط بر موضوع بوتون بر مفهومله بردن
 ناصیل مشار کتدار اولایلیر . بو مسئله پراتیکی علاقه دار ایتمدیک ایچون موضوع بحث
 بيله اولماز . او حلاله کونده ک حیانه مفهومک بو طرزده استعماللی دخی طبیعی و مشروع
 صایله جق و بوندن فلسفی هیچ بر مشکل دوغمايه جقدر . چونکه فلسفه یا بقدن صامت
 بر مقساوله ایله فراغت ایدلشدر . فقط بو طرز استعمالی فلسفه یه نقل ایتمک ، بوراده
 مفهوملردن شینه کیمک اولور . معین علاقه لردن ملهم اولان و موضوعی خارجدن کورمکه
 ا کتفا ایدن بر بیلگی طرزینی موضوعک بالقات کندینه نفوذ ایتمک و بو صورتله حسبی
 بر بیلگی یه ابریشمک ایسته بن فلسفه ده قوللایمق ، فلسفه یی مکتبیر آراسته ابدی بزراع
 و اختلافه محکوم ایتمک ، تناقضی موضوع و اصولک قلمکانه برلشدیرمکدر . یا فلسفه یه
 امکان بو قدر و یا اشیا حقیقه کی بوتون بیلگیمز بونلردن استفاده لیمکه متوجه پراتیک بر بیلگیدر .
 یا خود فلسفه یا عبق ، حدسک بر جهدیله موضوعک ایچنه برلشمکه متوقفدر .

یا لکنز بو حدسک ماهیتی آکلامق و تحلیلک زده باشلا یوب حدسک زده بیتدیکنی
 یقیناً تعیین ایتمک ایچون صیورره : la durée آقیشی حقیقه یوقاریده سویله دیکمز شیلره
 عودت ایتمک لازمدر .

دقت ایدیلیرسه کورولورکه تحلیل ، یعنی علمک منتهی اولدینی مفهوم یا خود شه مالر ،
 غیر متحرک اولارق ملاحظه ایدیلش شیلرک مدلوللری اولمق اعتباریله بالطبع غیر متحرک
 بروصف اساسی یه مالکدر لر . مثلاً تحلیل واسطه سيله بوتون درونی حیاتدن بسیط بر احساس
 تسمیه ایدیلن پسیقولوجیک بر عین ثابت : entité یا خود بر وجود مجرد تجرید ایدرک
 تدقیق ایتمدیکم مدتجه بونک دایما او یله قالدیفی فرض ایدیورم . شاید بر تحول بولورسه م
 درونی حیانه تک بر احساس دکل ، متوالی بر چوق احساسلر اولدینی حکمنه واصل
 اولویور و ایلمک احساسده فرض ایتمدیکم لایتمدلیتی متوالی بوتون احساسلره تشمیل ایدیورم .
 بو کیدیشه تحلیل نه قادیار ایلر یلته سه م و نه طرزده یا پسهم آلدیه ایده جکم عنصر لری هپ لایتمدل

صایه جنم . علمک کندی انکشافی ایچون محتاج اولدینی اک محکم طرز حرکتی ده ایشته بوراده ، هم ده یالکز بوراده بولاچم .

بونکله برابر حافظه سز بر شعور و حال حسنه کچمش خاطره لک انضامی اولمق سزین دوام ایده بیله چک بر روح حالی موجود اولمادیغندن نه قادر بسیط اولورسه اولسون هر آن ده کیشمه یین بر روح حالی état d'âme یوقدر . ایشته صیوروه دخی بوکا متوقف اولوب ماضی یی حالده امتداد استییره ن بر حافظه نك متهدی حیاستیدر ؛ او حالده که بوراده حال : le present ، ماضینک لایقطع بو یوین خیال image نی واضحاً احتوائتدیکی کی اختیار لاندینی نسبتده آغیرلاشان بر حمله نك ، کیفیتاً واقع اولان متهدی تحوللریله ، آرقده طاشیندینی ده حس اولونور . ماضینک حالده کی بو یس زنده لکی اولمادجه صیوروه یوق ، ساده جه لحظویلاک : l'instantanéité واردر .

بوراده صیوروه یی تحلیل ایتدیکی کوره رک مادام که تحلیل یاییورسکنز ، او حالده یایدیغکنز شی پسیقولوژیک حال یرینه صیوروه یی هایه ایتمکن باشقه بر شی دکلدز ، دییه مؤاخذه ایدیلسیم جواباً دییه چکم که بنم تحلیلیمک منتهی اولدینی بو بسیط پسیقولوژیک حاللردن هر بری فضله اولارق برده زمان اشغال ایده لرلر . « اوت ، بنم تحلیل دخی درونی حیاتی بر طاقم حالره آیریورسه ده بونلری علمی تحلیل کی بر برلریله دکل ، هر بری کندی کندیسیمه متجانس بولوبور و بوننرک متجانسیتلری بر دقیقه ویا ثانیه کی محدود بر زمانه منحصر قالمق اعتباریله بنم بولدیغ بسیط پسیقولوژیک حاللر ، صیوروت بولمقدن خالی دکلدز لر . »

الحاصل بنم بوتحلیلم قارشیسنده متجانس فرض ایدیلش اولان پسیقولوژیک حالک حقیقت حالده ده کیشن و صیوروت بولان بر حال اولدینی کورولیمورمی؟ تجریدک یایدینی دکل ده بذاته آلینان پسیقولوژیک حال ، دائمی بر صیوروتدر . حال بوکه علم کوزی بو صیوروتدن ده کیشمز فرض ایدیلش هر هانکی وسطی بر کیفیت آیریور و بو صورتله مستقر stable و شه مانیک بر حال تشکیل ایدیور ، سوکراده بو حالدن فلان ویا فلانک صیوروت یرینه علی الاطلاق بر صیوروت تجرید ایده رک بو حالک دولدوردینی شیشه زمان le temps تسمیه ایدیور . یاقیندن باقارسه کوره چکم که بو مجرد زمانک هم کندیسیم ، هم ده درونه وضع ایدیلش پسیقولوژیک حال ، غیر متحرکدر ؛ و بویله بر زمان آقاماز ؛ چونکه آقیش ، متهدی بر کیفیت تحویلله اولور ؛ پسیقولوژیک حالک دولدوردینی زمانده کیفیت اولمایجه

بويله بر زمان غير متحرك بر محیط ديمکدر. دقت ايدده رسه م کوره جگم که بومتجانسی زمان فرضیه سی ساده چه مختلف مشخص صبروره لر آراسنده کی مقایسه یی قولایلاشد بر مق ، بر صبروره نك آقیشنی دیکرینه قیاساً اولچمک ایچوندر. الحاصل بو حال بسبب بسبقولوزیک بر حلك تصورینه یامانان دقیقه و نانیه کی معین بر عدله صبرورت بولان بر آمانن قویا. یلوب تجرید ایدیلور بو آنای بسبب بر طاقم أرقام شه ماسندن قورتاروب ده حرکت اصلیه وطبیعه منده کورمک ایسته سه م اولجه بولندینی مشخص شکل و صورته وضع ایتمک لازم کلدیکنی کورور کی اولویورم . مع مافیه تحلیلده یاپیله جق برایشم اولمادینی ایچون بوتون بونلری کچورم .

بونلرک هپسی شو دیمکدر که تحلیل، دائماً غیر متحرك اوزرنده ؛ حدس ایسه حرکت یعنی صبروره اوزرنده چالیشیر . حدسی تحلیلدن آیران نقطه ده ایسته بوراده در . شائی ، یاشانمش ، مشخص شیلر آنجق تحویلته ؛ عنصر ایسه غیر متحولده کشف اولونور . آقان و تحول ایدن شائیدنن تحلیلک الهه ایتدیکی شی دخی الکنز بر شه ماء بسبب بر سه نیول، ساده چه بر نظر در . ایسته اصل خطا تحلیلک الهه ایتدیکی بوشه مالرله ره نك یکیدن ترکیب اولونه ییله جگنه اینسانمقدر . تکرر ایتمه سندن قورقایهرق دیه جگم حدسندن تحلیلله کچیله بیلیر سه ده تحلیلدن حدسه اصلا کچیله من .

تحلیلک تأمین ایتدیکی عنصر لرله ایسته ندیکی قادار تنوع لر، آرزو ایدلیدیکی قادار کیفیت و یا خود تعدلر یاپیله بیلیر . فقط بونلردن هیچ بریسی ره نك کندیسسی اولماز . چونکه الهه ایتدیکی شیلر ، عناصر اولوب أجزا دکدر لر ؛ عناصر ایسه اجزادن بسبتون باشقه برشیدر .

مثلا متجانسیته اک یقین اولان مکانه کی بر حرکتی ملاحظه ایدم: بو حرکتک بوتون امتدادنجه ممکن و محتمل وقفه لر تصور ایده بیلیرم که بن بونلره متحرك کچدیکی نقطه لر تسمیه ایدیورم . لکن بونقطه ویا وضع لرله = ایستره نامتاهی اولسه بونلر = حرکت یاپمابه قادر دکم . چونکه بونلر حرکتک کندیسسی دکل ، حرکت حقیقه آلیشمش نقطه نظر لر یعنی مفروض وقفه لر در . متحرك ایسه حقیقه حالده نقطه لر دن هیچ برنده اولما یوب اولسه اولسه بونلردن کچور دینه بیلیر . فقط بر حرکت اولان کچیشک، حرکتسنلک اولان وقفه ایله هیچ بر مشارکت نقطه سی یوقدر . بر حرکت هیچ بر زمان حرکتسنلک برینه قائم اولماز ؛ زیرا بو تقدیرده برشیک هم حرکت ، هم ده دوراق اولماسی ایجاب

ایده‌ر که بوه تناقضدن باشقه برشی دکلدنر . نقطه‌لر یاخود عناصره نه اجزا کی حرکتک اصلا دورمایان ایچنمه؛ نه‌ده متحرکک کچدیکی یرلرکی حرکتک آلتنمه دره اونلر ساده‌جه، فرضاً متحرکک دوردیغی تقدیرده حرکتک آلتنده اشغال ایده‌بیله‌جکی موقعلرک بزم طرفزدن تصور ایدیله‌لردن عبارتدر . بنسأء علیه وقفه‌لر یعنی نقطه‌لر ، دوغروسى سوبله‌نیرسه ، حقیقی وضعلر دکل ، بلکه ذهنک مفروضاتی ، کوروشلری یاخود نقطه نظرلریدر . شیمدی بونقطه نظرلرله برشینک انشاسی ناصل ممکن اوله‌بیلیر .

مع مافیله کرک حرکت و کرک زمان اوزرنده نه وقت دوشونسه‌کد دائماً بویله یاغمه صاواشیرزه «تحلیل» ی «حدس» معادل صایمقدن کندیغی منع ایده‌مدیکمز ایچوندرکه بر حرکتک امتدادنده ، ذهنزده دریندن درینه کونک صالمش برزعم ایله ، اولاً برطاقم محتمل و ممکن وقفه‌لر یاخود نقطه‌لر تفریق ایتمکله باشلايور ، صوکراده بونلری طوعاً و کرهاً حرکتک اجزاسی یاپیورز . حرکتی بونقطه‌لرله یکیدن ترکیب ایده‌بیلیمک اقتدارسنلری اوزرینه اونده موجود اولان حرکتی ده‌ها یاقیندن قاورامق اعتقادیه آرایه دیکر نقطه‌لر وضع ایدیيورز . بوکارغماً حرکتک بزدن قاجدیغی یعنی قاورانامدیغی کورونجه محدود و ثولچولو مقدارده نقطه‌لر برینه نامتناهی برصورتده آرتان نقطه‌لر اقامه ایدیيور و بصورتله نقطه‌لری نقطه‌لره نامتناهی برصورتده ضم و علاوه ایدهن برتفکرله بیهوده‌یره حقیقی و تجزی قبول ایتمز حرکتی تصنیعه‌چا باليورز . ونهایت دیيورز که حرکت نقطه‌لردن ترکیب ایده؛ فقط عینی زمانده بروضعدن دیکرینه مظلم و اسرار انکیز برکچید واردر . حال بوکه بوظلمت تماماً حرکتسنزلکک حرکتیندها واضح فرض ایدیله‌سندن ایلری کلدیکی کی اسرار انکیزک دخی وقفه‌لردن حرکتیه ترکیب طریقیله کیتیمک کی برامکانسنزلق اداسندن تولد ایدیيور . حقیقته ایسه حرکتین بطاآت و حرکتسنزلکه حرکتک ساده‌جه آزاله‌سیله کچمک پک قولایدنر . بونک ایچون الک بسیط واک واضح اولانی حرکتیه کورمکه آلیشمق لازمدر ؛ زبر حرکتسنزلک دینن شی بلیکده یالکمز ذهناً دوشونولوب طبیعتده اصلاً واقع اولمادیغندن حرکتک صوک درجه‌ده کی بریطاآتندن باشقه برشی دکلدنر . ذهنک بواعتیادینی برتمیل ایله افاده ایدهیم : برشعرك معناسی کندیغی ترکیب ایدهن حرقلرک شککنده در زعمیله بونلری ممکن اولدیغی قادار چوق ملاحظه ایتمک سایه‌سنده سزدن دائماً چان بومعنائی یا قالا یه جغسکزی ظن ایستدیگکزی فرض ایدهلم؛ فقط معنائک اجزاسنی حرقلرده آرامه‌نک هیچ برشینمه یارامادیغی کورونجه‌ده آرانان بواسرار انکیزمعنا پارچه‌لرینک حرقلر آراسنده اولدیغی فرض ایده‌رسکیز . حال بوکه

حرفله، بردها تکرار ایدیم، شعرده کی معنائک اجزالی دکل، ساده جه رمزی عنصر لریدر: متحرک بر شینک وضععلری ده، ینه تکرار ایدیم، حرکتک اجزاسی اولمایوب حرکتی، ماس اولدینی ظن اولونان مکانک نقطه لریدر. ساده جه متصور واصل ادراک ایدلمش اولمایان بو غیر متحرک و بوش مکان، تام بر سه نبول قیمتق حانزدر. آرتق بویله سه نبوللری اویروب چویرمه کله شانیق ناصیل اعمال ایده بیلیرسکز بیلمیورم.

فقط سه نبولک بوراده تفکر منک اسکسی اعتبارلرینه جواب ویردیگی محققدر. ایشته بو اعتبارلرک سو قیله درکه بزدا نما غیر حرکت ایچنه یرله شوب بوراده پراتیکه خادم بر استناد نقطه سی بولیور و صو کرا بونکله حرکتی یکیدن انشایته دیکمزی ادعا ایدیورزکه حقیقت حالده چولیا بر تقلید و حقیق حرکتک ترسی آله ایدلمش اولیور. شو قادار وارکه بوتقلید بزه حیاتنده حدسک کشف ایده چی حقیقتدن چوق ده فاصله یارایور. و بونک ایچوندرکه ذهنمز نافع اولان فکری ده او واضح بر شکلده ملاحظه ایتمکده اکثریا مقاومت اولونه ماز بر تمایله صاحب بولونیور؛ ینه بونک ایچوندرکه غیر حرکت، حرکتدن ده واضح کلیور وینه عینی سبیدن سکونک حرکتدن مقدم بولوندیقه قناعت ضرورتی حاصل اولویور.

حرکت مسئله سنک یک اسکسی زمانلر دنیبری فلسفه نیک باشلیجه مشکللرینی احداث ایتمه سی ده ذهنک بو اعتبارلری یوزندندر. دقت ایدیلر سه اشبو مشکلات هب مکندن حرکتی، حرکتک سنزلکدن حرکتی ترکیب [۱] طریقله کیدلمک ایسته نمه سندن نشأت ایتمشدر. حال بو که مقدم اولان شی، حرکتک سنزلک دکل، حرکتدر و وضعلرک یعنی نقطه لرک برندن دیکرینه کچیش آراسنده کلک جزؤلره اولان مناسبتی موحد اولمایوب غیر قابل تجزی اولان شاییت حقیقده امکان درجه سنده مختلف نقطه نظرلر واردر.

دها بر چوق مسئله لر هب عینی زعمدن دوغمشلردر. اوتنه دنیبری بر متحرک حرکتی برینه ناصیل هب غیر متحرک نقطه لر اقامه ایدلمشسه بر شینک واقع اولان کیفی تحولی برینه ده مختلف کیفیتلی مفهوم لر اقامه ایدلمشدر. بو مختلف ده کیشمه مز مفهوم لر ایسه غیر مستقر اولان شاییت حقیقده مستقر رؤیتلردن عبارتدر. « تفکر ایتک » کلمه سنک مستعمل معناسیله بر شیشی تفکر ایتک دخی اوشینک حرکتدن بر ویا بر قاچ غیر حرکتی کوروش آتق، دها دوغروسو اوشینک وقت وقت نرده اولدینقی واوندن ناصیل ونه صورتله مستفید اوله نه بیله جگنی کندی کندی بزمه صور مقدر. شاییتک ساده جه پراتیک

یعنی عملی بر بیلیکیسی موضوع بحث اولدجه بوندن دها آبی بر تفکر طرزینک موجود اولامایه جنی آشکاردر . بیلیکی ، عملیلکه متوجه اولدجه شأنیتک بزه و بزم شأنیته قارشی باشلیجه واک ایی وضعیت ممکنه لرمنی تعداد ایتمکدن دها ایی بر شی یا بیلاماز . ذاتاً حاضر مفهوم لریک یعنی کندیلریله صیوروتک کدرکاهنی شاخصله دیکمز بواستاسیونلریک علی العاده روللری ده بوراده در . فقط بونلرله اشیانک محرم ماهیتلرینه قادر نفوذ ایتمکی ایسته مک ، شأنیت حقدنه غیر متحرک نقطه نظر لر ویرمک مقصدیله یا بیلمش اولان بر اصولی شأنیتک حرکیته تطبیق ایتک دیمکدرکه بو ، عینی زمانده متافیزیکک - که امکانی وارسه - آنجق زحمتلی وحق اضطرابلی بر جهد ایله واقع اوله بیله جکنی اونومقدر ؛ دوشونملی که متافیزیک ، تفکرک طبیی سطح مائلنک عکسنه طیرمانق و تدقیق اولونان موضوعک ذهنی بر انبساط ایله ایچنه حلول ایتک ، دها دوعومسی مفهوم لردن شأنیتلره دکل ، شأنیتلردن مفهوم لره کیتمکه اولور . او حالده آووچلرینی قاپاییورمکه دومانی یا قالمق ایسته ن چوجملرکی فیلسوفلرده یا قالدقلرینی ظن ایتدکری شیرک کندیلرندن قاجدیعی کورورلرسه بوکانه دن شاشمیلی ؛ فلسفی مکتبلر آره سنده کی نزاع دخی ایشته بواعیاد یوزندن توکه نه مکده و فلسفی مکتبلردن هر بری دیکر لرینی شأنیتی قاجیرمقله مؤاخذه ایتمکده درلر .

فقط متافیزیک اکر حدس اصولیله چالیشمق مجبوریتنده ایسه و حدسک موضوعی ده صیورورنک حرکیکی ایسه و صیورورده اساساً بسیقولوژیک بر حادثه ایسه فیلسوفی منحصرأ کندی نفسی تماشایه حبس ایدیلش اولمازی ؛ « یورغون بر چوبانک قیدسزجه صویک آقینتیسنه باقله اکتفا ایتمسی ، کی فلسفه ده بوتقدیرده یالکیز نفسک آقیشنه باقمدن عبارت قالمازی ؛ مباحثی بووادیده یا مق ، تا باشند اشارت ایتدیکمز بر خطایه عودت ایتک یعنی صیورورنک خصوصی ماهیتی و عینی زمانده متافیزیک حدسک اساساً افعال و قوتلی سجیه سنی طانیامقدر . بو ، عینی زمانده متافیزیک حدسک ایده الیزمی اولدینی قادر ره الیزمی ده آشه بیله جکنی ، بزه اوستون ، بزدن دون و بر معناده دونمزده اولان شیرک موجودیتی تصدیق ایده بیله جکنی و بونلری بلا مشکلات برلکده طوبلایوب بولوندره بیله جکنی و تحلیک بوتون بو یوک مسئله لر اطرافنده بیغدینی قارا کلفی تدریجاً داعیته بیله جکنی کورمه مک اولور . بو مختلف نقطه لریک تدقیقنه یا ناشمزدن اول بحث ایتدیکمز حدسک تک بر عمل اولمایوب هدیسی عینی جنسدن اولمقله برابر هر بریسی آری نوعلرده و نامتاهنی عمللر اولدینی

وبوتون بو عمللارك وارلق être ك بوتون درجه لرینه تقابل ايتدكلرینی كوسترمكله اکتفا ایدمه جگیز .

صیورده نی تحلیل ایتك ایسته سه م یعنی اولمش بیتمش مفهوم لره ارجاع ایتسه م مفهوم و تحلیلک ماهیتی اقتضایی علی العموم صیورده حقیقده متخالف ایکی نقطه نظر آلمنه مجبور اولاجق و صوکر ا بونلرله اونو یکیدن ترکیب ایتمکی ادعا ایدمه جگم . ایکی ضدک ناصیل برلشه بیله جکی حوصله یه صیغما دیغندن اساساً معجزوی برشی اولاجق اولان بوت ترکیب نه درجه لرك فرق لرینی ، نه ده صورتلرك تنوعی کوستره جک وبوتون معجزه لر کی یا وار ویا یوق اولاجقدر . مثلاً دییه جگم که صیورده ده بر طرفه متوالی شعور حال لرندن مرکب بر کثرت ، دیگر طرفه ده بونلری بر برینه ربط ایدن بروحدت وار . بوتقدیرده صیورده ، وحدت و کثرتک قارا کلتیرده اسرارلی بر عملیه ایله حصول بولان ، اینجه فرق و درجه لری ناصیل اکتساب ایتدیکی کوروله مه ین بر « ترکیب » ی اولاجقدر . هم ده بو فرضیه ده آنجق شعورک معناد فعالیت کی تک بر صیورده موجود اولابیلیر . فکر لری تثبیت ایچون دییه لم که صیورده نی ساده جه مکانده مقیم بر حرکت کی آلیر و بو حرکتی « زمان Temps » کی مفهوم لره ارجاع ایتمکه صاواشیرساق بر طرفه حرکتک بر مرتسمندن ایسته ندیکی قادار نقطه لره ؛ دیگر طرفه ده بونلری بر کردانلنک اینجیلرینی بر آراده طوتان ایپ کی بونلری بر برینه باغلا یان مجرد بروحدته مالک اولاجقز . او مجرد کثرت ایله بو مجرد وحدت آراسنده ترکیب امکانی بر کره وضع ایدلدکن صوکر ا بو ترکیبه معین بر مجموع اعدادک حسابده قبول ایدمه بیله جکی قادار آفات بولاماق چوق غریب اولور . فقط صیورده نی تحلیل ایتك ادعایی برینه صیورده نك ایچنه اولادک بر جه دیله برلشیلدیکی حلاله اولیه معین بر نور tention حسی آلینیر که بونک تعیینی بیله نامتناهی صیورده ممکنه لر آراسنده بر انتخاب کی کورونور . اودقیقده دن اعتباراً ایسته ندیکی قادار وهپسی ده بر برندن چوق فرقی صیورده لر تمیز اولونور ؛ بونلردن هر بری مفهوم لره ارجاع ایدلسه یعنی متخالف ایکی نقطه نظرله خارجاً ملاحظه اولونسه دایما غیر قابل تعریف بر کثرت و وحدت ترکیبه وار یلیر .

عینی فیکری ده ها نولچولی افاده ایدمه . صیورده نی ، اینجی کردانلنک ایننه مشابه بر وحدت رابطه سیله یکدیگرینه باغلی بر کثرت اوقات کی ملاحظه ایتسه م ، انتخاب ایدیلجک صیورده نه قادار قیصه اولسه ، باوقات نامحدود بر عددده در . بونلری ایسته دیکم

قادر بر برلینه یاقین فرض ایده بیلدیکم کی بوریاضی نقطه لر آراسنده دائمی دیگر ریاضی نقطه لر بولونه حق و بویله جه الی نهایت کیده جکدر . کثرت وجهه سسندن فطر ملاحظه الینان صیورورنک دخی هیچ برآنی امتداد ایتمه بوب لحظوی اولدیفندن صیوروره بوراده بر اوقات بخاری ایچنده قایب اولاجقدر . دیگر طرفدن اوقانک هیئت مجموعه سفی باغلایان وحدتی ملاحظه ایتمه بوده فضله امتداد ایده من . چونکه صیوروره ده تجلی ایده ن متحول وقابل امتداد بوتون شیر فرضی اولارق هپ کثرت اوقات طرفه قومشدر . دیمک که بو وحدت دخی ، اساسنی تعمیق ایتمک ، بکا زمانک غیر زمانی هیولاسی کی متحرکک غیر متحرکک بر هیولاسندن باشقه برشی کورونمیه جکدر : حیاتی یابان حرکتندن تجرید ایدلمش اولان بویله بوش بر وحدته بن ابدیت ، ثولو ابدیت تسمیه ایده جکم . بر برلینه خصم اولان فلسفی مکتیملرک صیوروره حقیقده کی رأیبری یاقیندن تدقیق ایدیلیرسه کورولور که فی الحقیقه بونلرک آرالرنده کی فرق ، وحدت ویا کثرت مفهوم لرندن برینه ویریلن اهمیت فضله سنده در . ونلردن بر قسمی کثرت نقطه نظرینه مربوط اولدقلرندن و بخارقدار اینجه لتوب داعیه تدقلری صیورورنک متفرق آنلرنی مشخص برر شأنیّت کی اورته یه دیکد کلرندن وحدتک یک یا نه حق برشی اولدیفنی ادعا ایده لر . دیگر بر قسمده بالعکس وحدتی مشخص برر شأنیّت کی اورته یه دیکه رک ابدیتده یرله شیرلر . فقط بو ابدیتلری بوش ودولایسیله مجرد قالدیفندن و ابدیت مفهومی دخی مفهوم مخالفی اولان کثرت مفهومی طرد ایتمیکندن بو ابدیتک ناصیل اولوبده نامتناهی بر کثرت اوقات ایله هم موجود اولایسیله جکی قابل تصور اولماز . برنجی فرضیه یه باقیلیرسه صانکه هر لحظه بیتوب یکیدن باشلایان هواده معلق بر دنیا ؛ ایکنجی فرضیه دهده نیچون کندنی ایچنه قانوب قالمایان و ناصیل اولوبده اشیا ایله هم موجود اولغه کندینی بر اقدیفنی آکلاشیلامایان مجرد بر ابدیت نامتناهی وارد در . بو فرضیه لرک ایکسینده ده زمان ، بسیقولوژیک نقطه نظردن نه درجه لر ، نه ده آانات احتوا ایتمه ن ایکی تجریدک بر خلیطه سفی کی کورونیور . هر ایکی سیستمه مدهده آنحق هر شیئی کندیسیمیه برابر آلوب کورونر یکنانه بر صیوروره ، قابل تعیین بر قوت اولمقسزین بیلنه منبر بر استقامتده دیمنز و کنار سزاقان بر نهر وارد در . حق بو بر نهر بیله دکدر ؛ چونکه بونهر آقا بور ؛ یالکنز بومذه بلرده کی منطقک دالقیلغندن بالاستفاده شأنیّت اونلردن بوفدا کارانی قازانیور . لکن اونلر کندیلرینه کلدکاری دقیقه دن اعتباراً بو آقیشی یا متصل بر سطح بی پاینده ویا نامتناهی سیوریلش نقاطده یعنی دائما بر نقطه نظرک غیر متحرکیته بالضروره اشتراک ایده ن بر شی :

chose ده طوگدورویورلر. حال بوکه حدسک برجهدیه ایلك جمله ده سیوروره نك مشخص آقیشی ایچنه یرلشیلیر یرلشیلمز کوروش بسبتون باشقه لاشیر. بو تقدیرده آرتق کثیر مختلف سیورورلر وضع ایتمکده منطقی هیچ بر سبب قالماز. دها آچیقجه سی دنیاده پورتقال رنگندن باشقه بررنکک بولونمامه سی احتمالی کبی بوراده کندی سیوروره مزدن باشقه بر سیوروره قالمایه بیلیر. پورتقال رنگنی خارجاً ادراک ایده جک یرده بونکله باطناً سه نیاتیزه اولاجق بر شعور کندیسنک قرمزنی ایله صاری آراسنده تسخیر ایدلمش اولدیغنی حس ایده جک وبلکه ده صارینک آتنده قرمزیدن صاری به طبیعی صورته اوزانان بوتون برطبک دیومنی برحس قبل الوقوعله سزه جکدر. بوصورته سیوروره مزک حدس ایله ادراکی، تحلیل محض ادراکنک یایدینی کبی بزى بوشلقده، معلقده براقمدن اوزاق قالارق هم آشاغی به، هم یوقاری به دوزرو تعقیبی تجربیه ایتمک مجبوریتنده بولوندیغمز بوتون بر سیورورتلر دیومیتله تماسه قویه جقدر: هر ایکی حالده ده کیتدکجه شدتلی بر جهد ایله ایسته دیکمز قادر انبساط ایده بیلدیکمز کبی وسطی حالمزیده آشمش اولورز. برنجیده کیفیق کیتدکجه آریته رک بسیط احساسمزنی تقسیم ایدن، ضربانی بز میکیلردن دها سریع اولان داغینیق بر سیوروره به یورویورز: بونک اتهاسنده محض تجانس و محض شکار اولاجق ومادیتی بو وصفلرله تعریف ایده جکیز. دیگر استقامته کیتدکجه کریلن، طوبلانان، تکائف ایدن بر سیوروره به توجه ایتمکده بز: بونک اتهاسنده ده ابدیت اولاجقدر؛ شوقادار وارکه بو ابدیت آرتق تولو بر ابدیت اولان مفهومی ابدیت اولمایوب جانلی وحرکتلی بر ابدیتدر. بز کمندی سیوروره مز ایشه بوراده در. حدس دخی بویکی اقصای منهاده حرکت ایده و بو حرکت متافیزیکک کندیسیدر.

*
**

بو حرکتک مختلف مرحله لرینی بوراده قطع ایتمک موضوع بحث اولاماز. یالکیز حدس اصولی خنده عمومی برنظر عرض ایتمکدن و بونک ایلك تطبیقاتی کوستردکن صوکر استناد ایتمدیکی پرنسپلری ممکن مرتبه مجمل تعبیرلرله دستورلر حالته قویق فائده سز اولمایه جقدر. بوراده سرد ایده جکمز دستورلردن اکثریسنک دلایلری بو مقاله ده باشلامش اولوب دیگر مسئله لره یاناشدیغمز زمان بونلری دها مکمل بر صورته اثبات ایده جکمز امید ایدیورم.

I خارجی اولیانه رغماً رومحزه بهو واسطه بر حاله مصلط اولیه بر شائیت وارد .
 حس عامه Sen comun بونقطه ده فیلسوفلرک ایده الیزم وره الیزمه قارشئ حقلیدر .
 II . بوشائیت ، حرکیتیدر . اولش شیئر یوقدر ، بلکه ساده جه اولان شیئر
 وارد ؛ دوران حالات یوقدر ، بلکه ساده جه ده کیشن حالات وارد . کلام ، آنجق
 ظاهری یا خود دها زیاده اضافیدر . بالذات کندی شخصمز حقنده کی شعورمز متادی
 آقیشنده بزئ اوپله بر شائیته ادخال ایده رکه بز باشقلر بزئ بوموده له کوره تصور اتمکه
 مجبورز . بولاً نظراً درغومر اوزره بولونانه بر تحول تمایل دبرک مناسب ایسه هر شائیت ،
 تمایل دبرکدر .

III . صاعلام استناد نقطه لری آرایان ذهنمزک حیات روزمره ده کی باشلیجه افعوله سی
 حالات : États و شیئر Choses تصور اتمکدر . ذهن ، ره نه لک غیر متجزئ حرکیتیدن
 آنجق اوزاقدن اوزاغه نه نستانتانه (خطوی) دینه بیله جک منظره لر آلیر و بوسورتیه اهمیت
 و فکر لر آله ایدهر . بونلره دیمومت یرینه عدم دیمومتی ، حرکیتک یرینه استقراری ،
 تحول اتمکده اولان تمایلک یرینه تحول و تمایلک بر استقامتی کوسترون ثابت نقطه لر اقامه
 ایدهر . بواقامه ، حس عامه ، لسان ، عملی حیات وحقی بر آرزو کر تصریح ایدیا حکئ
 اوزره مثبت علم ایچون ضروریدر . فلانز ، طبیعی سطح مانئی نقیب اتمکی زمانه
 بر طرفره منقلب ادراکلر ، دیکر طرفه مزه مستقر تقیملرله مایلشیر . غیر متحرکدن
 باشلا بوق و حرکتی دخی آنجق حرکتمزلنکک بر تابی کی ادراک وافاده ایدهر . حاضر
 مفهوملرده یرله شیر ، و بومفهوملرایله بر آغ کی کچن شائیتدن ایچنه برشی آلمغه جهدایدهر .
 بو آلیش هیچ شبهه یوق که ره نه لک متافیزیک و درونی بر بیلیکیسی آله اتمک ایچون
 دکلدر . بو بیلیکی ساده جه عمله نافع اولق ایچون آله ایدلشدر ؛ هر مفهوم (هر احساس
 کبی) فعالیتمزک شائیته صور دینی عملی بر سوال اولوب شائیت دخی بوسؤاله ، ایشلرک
 ایجابنه کوره ، برأوت ویا بر خاریله جواب ویرر . فقط مطلق بیلیکی اصل جوهر آلدن قاچاره .

IV . متافیزیکک احتوا ایتدیکی مشکلرله تولید ایتدیکی تساوی قیضین : Antinomie لر
 و ایچنه دوشدیکی تناقضلر ، فلسفی مکتبلر و سیدسته ملر آراسنده کی تفرقلر و ائتلاف قبول
 اتمز مخالفتلرک جوغی عملی غایه لر ایچون قوللاندیغمز بیلیکی اصوللرینی ره نه لک حسبی
 بر بیلیکیسی ایچون دخی قوللانه مزدن یعنی تمایل و بالتیجه حرکیت اولان شائیتی ، کندینیسی

حرکتدن چیقاروب تثبیت ایتک وظيفه سیله موظف ادراك و مفهوم لرله یکیدن انشائتک ادعاسندن ایبری کلمه در. حالبوکه نه قادر چوق اولورسه اولسون توقف لرله اصلا حرکت یاپیلاماز. فقط بونک رینه حرکتدن باشلانیرسه تفکر واسطه سیله بو حرکتدن ایسته ندیکی قادر توقف لر استخراج اولونه بیلیر . باشقه تعییر لرله سویله لم : **مترك شائیتنه تفکر من واسطه سیله ثابت مفهوم مترك هیه قایل بیلیر** . **قایل ادراک سوره ره لک حرکتی مفهوم مترك شائیتینه یکیمه یاجیمه هیچ بر واسطه بوقور.** دوغما تیزم ، سیستم لر بانیسی اولارق ، بو طرزده یکیدن انشایه دائمی قایلیمشدر .

V. فقط بو مکتب موفقیت سز لکده محکومدی . نیته کیم دکامزک مطلقه ایریشه میه جگنی سویله یین بوتون سه پتیکر ، ایده السیتلر وقریتسیستلرک مذهب لر ی هپ بو اقتدار سز لنی ، هم ده ساده جه بونی مشاهده ایتشلردر . لکن باشایان شائیتی قاتی اولمش بیتمش یاخود حاضر مفهوم لرله یکیدن پایتمده دائمی موفقیت سز لکده اوغرا یورسه ق بوندن اونی باشقه بر طرزده یا قالا یه مایه جغمز نتیجه سی اصلا چیقماز . **ایبری پیلگیمزک اضافیتی هغه سرد ایدلمه اولده دلیلمر تا کو کلمه مقلولر ؛ چونکه بونلر دخی ، نهر بصره ایشکلری دوغما تیزم کبی ، هر یلگیمزک بالضروره ثابت جریه یه ی مفهوم لرده حرکت واقعه شائیتی بونلر واسطه سیله ضبط ایتیری فرصه ای میورلر .**

VI. فقط حقیقت شوکه بزم دکامز بونک عکسی اولان بر یولدن ده کیده بیلیر . مثلاً متحرک شائیتده یرلشه بیلیر و بونک لاینقطع متحول اولان استقامتی قبول ونهایت بونی حدس تسمیه ایدیلن ذهنی بر سنیای ایله یا قالا یه بیلیر . واقعا بو . صوک درجه ده مشکلدرد . بونک ایچون لازمدرکه روح اولا کندیسنی زور لاسین ، معتاد تفکرینک استقامتی بر عکس ایتسین ، بتون مقوله لرینه یکیدن باشلا سین ، یاخود دها ایسی بونلری لاینقطع یکیدن دوکسون . تا که شائیتی بتون قیوریم لر یله تعقیب ایده بیله جک و اشیا نک درونی حیانتک حرکت لرینه یا قلا شه بیله جک سیال مفهوم لرله اصل اولسون . آنجق بو صورتله مکتبلر آراسنده کی نزاع لر و صنی تعییر لر تبعاً موضوع بولونان مسئله لر دن قور تولونه جق و بونلری طبیعی بر صورتده حل ایتکمه مستعد مترقی بر فلسفه تأسس ایده جکدر . فلسفه یاجیمه ، **تفکرک معناد استقامتی بر عکس ایتکدر .**

VII . بوا یسه شیمدی یه قادر اصول دائر دسنده اصلا یاپیلامادی . تعمیق ایدلمش بر

تفکر بشر تاریخی کوستر که کرک علم و کرک متافیزیکده یابلمش اولان اک بیوک و حیاتی کشفلهپ معتاد تفکر استقامتک برعکس ایدلمه سیله حصول بولمشر. ذهن بشرک قوللاندینی اک قدرتی استقصا اصولری، اعظم واصغر نامتناهی تحلیلری هپ بو برعکس ایتمدن دوغمشلردر. نیته کیم موده رن ریاضیه باشدن آشخی اولمسه یتمسه *Tout fait* یرینه اولمسه اولونی *Se faisant* اقامه ایتمک جهدینک افاده سیدر. بوراده مقادیرک تولدینی تعقیب ایتمک و حرکتی خارجدن یعنی وجود بولمش حاصله سندن دکلده ایچیندن، تحوله اولان نمایلندن یعنی متحرک دیمومندن قاوارماق ایچون اولمسه یتمسه یرینه اولمسه اولمسه ایلدیکی محقدر. واقعا منشأی حدس اولان بور ریاضیه دخی شایان حیرت تطبیقاتی آنجق بعض سه نبولارک ایجادیه تأمین ایتمشر. فقط هیچ بر تطبیقاتی استهداف ایتمه ین متافیزیک، حدسی سه نبوله قلب ایتمکدن اجتنابه مقتدر واکثریا مجبور اولاجنی کبی بالعمل قابل انتفاع حاصله لره منتهی اولمق مکلفیتندن دخی آزاده بولونمق حسنبیله استقصالرینک ساحه سی نامتناهی بر صورتده بویوته چکنندن علمه نسبتله فائده و قطعیتدن قایب ایتمه سه مقابل هدف ووسعتدن قازانه چقدر. اگر ریاضیه، منحصرأ مقادیرک علمی ایسه و ریاضیه تک عملیه لری ساده جه کیتلره قابل تطبیق بولونوبورسه اونومه ملی که کیت، دائماً دوغمق اوزره بولونان بر کیتندر: دینه بیلیر که اتمهای حال ووقعه دخی بو دوغمق اوزره اولان کیفیتده در. بناء علیه ریاضیه مزک بو ولود فکرینک بتون کیفیتلره یعنی بالعموم شایته توسیع ایتمک اوزره متافیزیک طرفندن قبول ایدیله سی پک طبیی در. مع مافیله بونکله موده رن فلسفه نیک توهم ایتمدیکی او معهود ریاضیه کلیه: *mathématique universel* یه دوغروبول آینه جنی اصلاطن ایدیله سین. بالعکس بومتافیزیک یول آلدقجه سه نبولارله ترجمه ایدیله میه چک شیلره دهها چوق راست کله چکدر. فقط هیچ اولمازسه ره نیک دیمومت وحرکتی ایله الک شایان حیرت بر صورتده نافع نقطه لردن تماسه کله که باشلایه چق و بوراده بالذات کنسیدینی، شبهه سز پک محدود، فقط پک ده ضیادار عکس ایتمیره ن بر آینه ده تماشا ایده چکدر. او حالده که ریاضیه عملیه لرینک مشخص شایتمدن استعاره ایتمدیکی شیلری فائق بر وضوح و رونق ایله کوره چک و ریاضیه عملیه لری وادیسنده دکل مشخص شایته استقامتمنده یولنه دوام ایده چکدر. دینه بیلیر که متافیزیکک موضوعی، تقاض و نغای کفیلر اوزرله عملیه لره ایتمکدر.

VIII. متافیزیکک بوموضوعی نظر دن قایب ایتمیره ن و قوللاندینی بولارک منشأی حقتده

علمی بیه آلداتان شی شودر: معلومدر که حدس بر کره آله ایدلیمی همان عقینده تفکر مزک

اعتیاد لرینه مطابق وزه پک زیاده محتاج اولدیفمز محکم استناد نقطه لرینی تدارک ایده جک حقیقه ثابت مفهوم ملرده بر افاده و تطبیقات بولمغه مجبوردر . علمی قطعیت و علمی تعین دیدیکمز شیرک شرط لری بوراده اولدیفنی کبی عمومی اصولک خصوصی حالزه نامحدود بر صورتده تشمیلی ده بوراده در . بوتشمیل ، بوتکمیل منطقی سعی عصر لرجه تعاقب ایده بیلدیفنی حالده علمی اصولک دوغوروجی عملی اولان حدس آنجق بر لحظه دوام ایده بیلیر . علمک منطقی جهازینی اکثریا علمک کندیسسی کبی آله مزک سببی ایشته بوراده یعنی بر جهازک کافه متافیزیک حدسدن چیقمش اولدیفنی اونومه مزده در .

فیلسوف و علملرک علمی بیلکینک « اضافیت » ی حقیقه سویله دکلری بوتون شیردخی هب حدسک اونوتولمه سندن ایلری کلکده در . اوهت ، اولرره موجود اولرره و نایرره محرکه کیمده مه مفهوم ملره و هووه کلمسه سه بولیک بیلکی اضافیمر ؛ فقط محرکه بر لرشی و اشیاک هیاتی قبول ایدره همسی بیلکی اضافی دکلر . بو حدس ، مطلقه ایره .

دیمک که علم ایله متافیزیک ، حدسده برله شیورلر . حقیقه حدسی بر فلسفه ، متافیزیک ایله علمک بونجه زماندر آرزو ایدیلن اتحادینی تحقق ایتدیره جکی کبی عینی زمانده متافیزیک دخی مثبت بر علم حیثیتده - یعنی مترقی و نامحدود بر صورتده تکمیل ایده بیلیر بر حالده - تأسیس ایده جک و فضله اولارق تام معناسیله مثبت علملره حقیقی هدف لرینک شعورینی تصور لری فوقنده دویورارق متافیزیک ده فضله علم ، علمده دهها فضله متافیزیک قاناجقدر . دها سی وار : نتیجه ده مختلف مثبت علملرک تاریخلرنده اوزاق فاصله لرله و آنجق دهها سایه سنده آله ایدلمش اولان حدس لرک آراسنده کی دیمومی : Continuité ده میدانه چیقاره جقدر .

IX - معلومدرکه اسکی فیلسوفلرک عمومیتله دوشوندکلری برشی واردی : بونلر ایستورلردی که اشیاک کنه بیله جک ایکی فرقلی بیلکی طرزنی اولماسین و مختلف علملرک کولکری متافیزیکده بولوفسون . الحاق بو طرزده دوشونمکده هیچده خطا اتمش دکلردی . ذهن بشره پک طبیعی کن بواعتقاده اولر بر متبدلک غیر متبدلرله افاده و ایضاح اولونه مایه جنی فکرندن ملهم اولمشردی . ینه بواعتقاد سوقله در که فعل : Action اولرجه ضعیفه مش بر تماش : Contemplation ؛ صیوروه ، غیر متحرک ابدیتک آلدایجی بر خیالی ؛ روح ل'Âme دخی مال : L'Idée ک بر سقوطی ابدی . (افلاطون) دن باشلاوب (بلوتزن) ه قادر واران بو فلسفه : « غیر متبدله متبدلن فضله سی واردر و مستقر دن غیر مستقره آنجق

بر اکسیلیمه ایله کیلیر « صورتنده بردستورله افاده ایده بیله جگمز بر پرنسیپک انکشافندن، عبارتدر . حقیقت ایسه بونک تام عکسیدر .

موده رن علم ، حرکتی مستقل بر شأنت اولارق طانیدینی تاریخندن یعنی مائل بر سطح اوزرنده یووارلانان بر یووارلاغک حرکتی (آرسطو) کبی یوقاری و آشاغی طرزنده ایکی ثابت مفهومه ایضاحه صاواشقی پرنسیپک ترکیله (غالیه) طرفندن بو حرکتک باشندن آشاغی کندیسیله و کندیسنده تدقیق ایدلمک قرار قطعیسنک اتخاذندن اعتباراً باشلار . و بو قرار علم تاریخنده منفرد بر واقعه اولمایوب ، بکا قالیرسه ، بویوک کشفلرک چوغی ، هیچ اولمازسه مثبت علملری استحاله ایتدیرمن ویگیلری یارانانلری هب اشیایی ذاتنده و ذاتیله همحال اولارق یعنی صیروره محضه لری ایچنده تدقیق ایتیمک آرلریدر . ذاتاً شأنته نه وقت دریندن تماس ایدلمش ایسه ماهیتک کشفی ایچون آتیلان صونداده اوقادار درینله شمشدر .

بالکزد دکزک دینه آتیلمش اولان صوندا بورادن سییال بر کولچه کتیردیکی حالده کونش بونی درحال قوروتورق ناصل دیموتمسز : diacontinuum بر طاقم قوم دانهلرینه قلب ایدیورسه حدسک اعماق اشیادن چیقاردینی سیال حقیقت دخی مدرکه نک شماعلری آلتنده درحال طوکمش ، متفرق و غیرمتحرک مفهوملر اولویور . اشیانک جانلی حرکتی ایچنده مدرکه کی علاقه دار ایدن شیلر ، حقیقی و یا بالقوه دوراق لرله عزیمت و مواصلت نقطه لریدر . فی الحقیقه تفکر بشر ایچون ساده جه عملی اولارق مهم اولاندرده بونلردر . دوراقلره عزیمت و مواصلت نقطه لری آراسنده اولوب بیتن شیلری یا قلامق بو علاقه ایچون فضله برشیدر . فلسفه ایسه آنجق بو علاقه بی اعلا ایچون یاییلان بر جهد اولاییلر .

عالملر نظرلری بالذات حدسندن زیاده بونک آچدینی یولده صیرالادینی مفهوملره دیکمشلر و سه نبول حالنده اولان بو کچمش بقیه لری ملاحظه ایده بوتون علملره سه نبولیک برسجیه عطف ایشلر و علمک بوسجیه سه ایناندجه بونی تحقق و تشدید ایشلردر . دها دوشوروسی مثبت علمده طبیعی ایله صنهی بی ، حدسک بلا واسطه عطاسیله مدرکه نک حدس اطرافنده یایدینی کنیش مساعی بی تفریق ایده من بر حاله کیشلر و بویله لکه بوتون بیلگیلر هنرک اضافیتی تصدیق ایدن بر منذهبک یولنی حاضر لامشدردر .

متافیزیک دخی بونلردن هیچ کری قالمادی .

متافیزیکچی اولدقلری قادر علمک مجددلری اولان موده رن فلسفه استادلری شأنتلرک

متحرك ديومتلرینی ناصیل حس ایتمدیلر؟ مشخص صیورده تسمیه ایتمدی کمز شینک ایچنه ناصیل
 یرلشمه دیلر دییه جکسکز؟ اوخ، بونی ایناندق لرندن وبالخاصه سویله دک لرندن فضلّه یابدیلر.
 نیته کیم اطرافنده سیسته ملرک تعضو ایتمدیکی حدسلر بلافاصله بر لرینه باغلا نسه الی المرکز
 وعن المرکز دیگر بر جوق خطا لر یاننده حس و تفکرک تعقیب ایتمش اولدینی پک معین
 استقامت در حال میدانه چیقا جقدر. بومکنی latent تفکر عجبانه در و بوحسی ناصیل افاده
 ایتلی؟ بوراده افلاطونجیلرک لسان لرندن استعاره و بونلری پسیقولوژیک معنای لرندن
 تجرید ایده رک مثال Idée. بر نوع سرول معقولیت تأمینانی، روح l'Âme. دهه بر نوع
 حیات مفهومی سلفی تسمیه ایده رک دییه جکز که مودرن فلسفه دهه کورونمز بر جریان، روح :
 l'Âme ی مثال : Idée ک فوکه یوکسائتمکه کوتورویور. بوصورتله اوده مودرن علم
 کبی، حتی دهه زیاده، قدیم تفکرک عکسی اولان بر استقامته دوغرومیل ایتمکده در.
 فقط بو علم کبی بو متافیزیک دهه اوزون حیات لرنده سه نبوللرله اورولمش زینکین برقاش
 دو قودق لرندن و علم دخی تحلیلی انکشافنده سه نبوللرله محتاج بولوندیغندن اولاجق که متافیزیک
 باشلیجه حکمت وجودینک سه نبوللرله قطع علاقه ایتمسه اولدینی اونوتولمقده و مدرکه
 بوراده تثبیت، تقسیم و یکیدن انشادن عبارت اولان ایشنی تعقیب ایتمکده در. واقعا بونی
 خیلی فرقلی برشکلده یابدی. باشقه یرده بر تفصیل عرض ایده جکمز بو نقطه اوزرنده
 اصرار ایتمه رک یالکز شونی سویله مکه اکتفا ایده جکز که مستقر عنصر لر اوزرنده چالشمق
 رولنده اولان مدرکه، کرک مناسبات و کرک اشیاده استقرار آریه بیلیر. مناسبت
 مفهوم لری اوزرنده چالشدیجه علمی سه نبولیزمه؛ شیلر مفهوم لری اوزرنده چالشدیجه ده
 متافیزیک سه نبولیزمه منتهی اولور. فقط هر ایکی حالده دهه ناظملق مدرکه دن کایر.
 بویله اولونجه مدرکه کندی پک اعلا مستقل ظن ایده بیلیر. بو اعتبارله شایتک درین حدسه
 نه قادر مدیون اولدینی آئنده طایمق دن زیاده بوتون آئرنده سه نبوللرک صنعی بر تنظیمندن
 باشقه برشی کورمه مکه معروض قالیر. متافیزیکجیلرله عالم لک سویله دک لری ویا یابدق لری
 مادیت اوزرنده حرفیاً توقف ایدلسه ظن اولونور که برنجیلر شایتک آئنده درین بر تونل
 آچمشلر، ایکنجیلر دهه بونک اوستنه ظریف بر کویرو قورومش لر و ایشانک متحرک نه ری
 ایسه بویکی صنعت آئری آراسندن هیچ برینه تماس ایتمدن کیتکده در.

(قانت) انتقاد جیلغنک آجدینی باشلیجه صنعید کلردن بری، متافیزیکجینی و عالمی
 حرفیاً آارق متافیزیک و علمی سه نبولیزمک کیده بیله جکی صوک حده قادر کوتورمک

اولدی؛ ذاتاً مدرکه، تهاده ايله دولو بر استقلال طلب ایتدکن صوگرا واردهجنى نقطه طبیعتیله بوراسی اولایلیردی. علم و متافیزیکک ذهنی حدس ايله اولان ارتباطلری بر کره طاینمق ایستهدهدکن صوگرا علممزمک تماماً اضافی و متافیزیکمزمک صنعی اولدیغنی اثبات ایتمک (قانت) ایچون آرتق کوچ برشی دکلدی. مدرکه نیک استقلالنی هر ایکی حالدهده افراطه واردیران بوفیلسوف، متافیزیک و علمی ایچیریدن بر برینه باغلایان ذهنی حدسیده استصغار ایتدیکندن علم اونک نظرنده اولانجه مناسبت مفهومیرلیه بر صورت قشرندن، متافیزیک دخی اولانجه شیلر مفهومیرلیه بر ماده قشرندن باشقه برشی کی کورونه مندی. علمک ایچ ایجه کچیرلمس چرچیوم لردن، متافیزیکک دخی خیالتلر آرقه سندن قوشان خیالتلردن عبارت کورونمه سنده آرتق تعجب ایدیله جک نه اولایلیر؟

بوفیلسوفک علم و متافیزیکمزمک باشنه ایندیردیکی ضربه لر اوقادار شدتلی اولمشدرکه شاشقینلقدن حالا کندیلرینه کله مه مشلردر. چونکه علمده تماماً اضافی بریلکی، متافیزیکده بوش بر سبه کولاسیون کورمکه بزم ذهنمز قولانجه راضی اولور. نینه کیم (قانت) ک انتقادی حالا بوکون بیله بوتون متافیزیک و بوتون علمه یاقیشدیریلور. حقیقت حالده بوفلسفه بالخاصه اسکیلرک فلسفه سنه، کندانینه اسکیلرک قوللانوبده یکیلرک اکثریتله ترک ایتدکلری صورت *la forme* تلقیسنه او یغون کلیر. هیچ شبهه یوق که قانت فلسفه سی، بزه اشیا نیک یظام مکمل بر سیسته منی ویرمک ایسته ن بر متافیزیک ايله یینه یظام بر مناسبت سیسته منی اولاجق بر علمه و نهایت افلاطونک مثل نظریه سی ویا بر یونان معبدی کی معماری بر بساطت عرض ایدن بر علم و متافیزیکه مرجحدر. اگر متافیزیک کندیسندن اول صاحب اولونان مفهومیرله تشکل ایتمکی یا خود بر بناده قوللانیلان مالزمه کی اولدن موجود فیکر لردن ماهرانه بر ترتیب ايله وجوده کتیرلمس برشی اولمنی ادعا ایدر و نهایت بو کونکی فیکر لرمزمک و بوکونکی بسیط منظمزمک اعلاسی ایچون تمادیا تجدید ایدیلن بر جهد و دائمی رذهن انبساطی دکل ایسه مدرکه صرفه نیک بوتون اثرلری البته صنعیدر. علم دخی باشدن آشانغی بر تحلیل ایشی، یا خود مفهومی بر تصور ایسه و علمک خدمتی ساده جه «آیدین فیکر لری» تحقیقه یارامقدن عبارت ایسه یا خود هر شایتمک حرکت ذاتیه سی ایچنه برلشمک صورتیله متنوع و کثیر حدسلردن باشلایه جق برده ره نیک کایتنی اوکجه دن قورولمش بر آغ ایچنده حبس ایدن یگاه بر مناسبتلر سیسته منی و کلی بر ریاضیه اولمق ادعا سنده ایسه علمک بویله سی بلاشبهه بشر مدرکه سنک منحصر آ اضافی بریلکیسی اولور. عقل محضک

انتقادی نام اثر دقتله اوقونورسه کورولورکه (قانت) نظرانده علم ، برنوع کلی ریاضیه ، متافیزیک ایسه بر پارچه جک تسویه کورمش بر یهونونیزم در . دوعروسنی سویابه مک لارم کلیسه کلی ریاضیه رؤیاسی دخی پلاتونیزمک برپس زنده لکنندن باشقه برشی دکلدن . چونکه پلاتونیزمده کی مثل عالمی نه ایسه کلی ریاضیه رؤیاسی دخی اونک باشقه برلسانله افاده سندن عبارتدر . بعض موده رن فیلسوفلرک بورؤیاسنی (قانت) ، برشایت کی آلمش وفضله اولارق هر علمی بیلکینک کلی ریاضیه دن مفرز بر پارچه دن باشقه برشی اولمادیقنه اینامشدره . کیفیت بویله اولونجه « انتقاد » ک باشلیجه وظیفه سی بو ریاضیه پی تأسیس ایتک ، یعنی غیر متقطع بر ریاضیه نیک ذکایله اشیا پی بر لرینه باغلایه بیلیمک اوزره بونلرک ناصیل اولماسی لازمکلدیکنی تعیین ایله مکدر . ممکن اولان بوتون تجربله مدرکه مزک اوکجه دن تشکل ایتش متصلب چرچیولری ایچنه بوصورتله بالضروره ادخال ایدلد کدن صوکر (بر آهنگ متقدم فرض ایدیلسه بیله) مدرکه من طبیعی بالذات تفسیق ایدیوروعینی زمانده کنیدیسی بوراده برآینه ده کورورکی بکیدن بولیور دیمک اولور . ایشه بوتون مؤثریتی اضافیلکنه مدیون اولاجق بر علم ونم متافیزیکمک امکانسزلی بورادن چیقیور ؛ بو فلسفه یه کوره علمک مناسبتر اوزرنده کمال جدیدته تعقیب ایتدیکی مفهومی تدوینات ایله اشیاک خیالتلری اوزرنده تقلید وتنظیرلرده بولونمقدن باشقه متافیزیک ایچون یا به جق هیچ بر شی یوقدر .

اطاصل ، « عقل محصه » ک بونوره « انتقادی » ی شرط ضرر اولیور : یهونونیزمده کی مثاللر : Idée ، شیئر : choses ایسه بویهونونیزم غیر مشروعده ؛ بونو بو مثاللر مناسبتر ایسه بویهونونیزم مشروعده ؛ و مکمل یا خود حاضر مثال ، (افهوطوره) ک ایتسه اولریقی کی بوصورته سماده موقع حقیقیسی اولاره ارضه اعاده ابرلمکرده صکره تفکر وطبیعتک مشترک اساسیور . « عقل محصه » ک بونوره « انتقادی » دخی نوموضوعیه مستقرده : نظام ، حکمی اولاره بونوره تجربلری اولاره موجود اولاره فالیهلره دوکلمکره باشقه بر شیئر مقدر دکلمر .

بوتون مسئله ایشه بوراده در . بیلکی ، فی الحقیقه (قانت) ک ایسته مش اولدیغی کی ایسه طبیعتده ، (ارسطو) نک ظنی وجه ایله ، اوکجه دن تشکل ایتش اوکجه دن دستورلر حالته قونولش بسط بر علم واردر . اشیا ده بویله بر منطق فی الحقیقه مندیج ایسه بویوک کشفیلر ، دوناما کیجه لرنده بر بنانک اطرافنی ترسیم ایتش غاز قوردونک صیره ایله

حلو تو شود یریله سی کبی، او جگه دن ترسیم ایدلمش برخطی نقطه نقطه طو تو شود یره مقدن عبارت اولاجقدر. متافیزیک بیلگی دخی (قانت) ک تصور ایتمش اولدینی کبی ایسه بویله بریلدی، بوتون بوبوک مسئله لره قارشی عینی امکانده وبربرلینه تماماً معارض اولاجق و اونک بالجمله تظاهر لری، بوتون برأبدیت ایچون بالقوه دستورلاشمش ایکی حلدن برنی عندی و دائماً موقت اوله رق ترجیح ایتمکدن عبارت قالارق تساوی تفیضین لر : les antinomies له یاشایه جق وئوله جکدر . فقط حقیقت شوکه نه موده رن علم بویله تک خطلی بر بساطت ، نه ده موده رن متافیزیک هیج آزالتیلاماز مخالفتلر عرض ایدر .

موده رن علم نه بر، نه ده بسیط اولوب نهایت النهایه آیدینلق اولدیغنه حکم ایدیلن فکر لره استناد ایدر؛ یالکز بوفکر لر استعمال یعنی قولالایشلیلق قابلیت لره تدریجاً آیدینلاشمش لر و بوتون ضیالری سوق ایدلدکاری تطبیقاتدن آلمش لر در . اساساً بر مفهومک آیدینلغی ده تأمین ایتدیکی استفاده دن باشقه برشی دکدر . نیته کیم بونلرک چوغی مبدأه ، علمک اولجه قبول ایتمش اولدینی فکر لره یک فنا قابل تألیف و حق محاله یاقین برحاله قاراق کور و لمش لر در . علم، (قانت) ک تصور ایتدیکی کبی هیج ده بربری ایچنه کمال صحنه کیرمه سی مقدر مفهوم لر صورتنده تشکل ایتمه مشدر . حقیقی و متمر فکر لر هپ شأیت جریانیله آری آری واقع اولمش تماسلرک محصول لریدر و بوتماسلر دخی بالضروره عینی نقطه ده تمرکز ایتمز لر . یالکز مفهوم لرک وضع اولوندقلری یرلرده متقابل داک و تماسلر نتیجه سنده ، زاویه لری مدور لشدیرمک صورتیله آره لر نه دائماً آبی کوتو برانظامه واصل اولدقلری قابل انکار دکدر .

دیگر طرفدن موده رن فیلسوفلرک متافیزیکری ده هیج آزالتیلاماز مخالفتلره منجر اولایله جک درجه ده جذری حللردن یاپلمش دکدر . هیج شبهه سز بویله اولوردی ، شاید تساوی تفیضینلرک antinomies ک مدعا و تفیض مدعالری عینی زمان و عینی زمینده قبول ایتک ایچون هیج برواسطه اولماسه یدی . لیکن فلسفه یاقق ، « انتقاد » ک مشخص شأیت حقتده خارجی برکورو شله یابدینی کبی مدعا و نقض مدعا طرزنده متخالف ایکی نظر آماق اولمایوب حدسک برجه دیله بو شأیتک ایچنه برلشمکدن عبارتدر . مثلاً بوزرنکفی اصلاً کورمه مش اولسه یدم بیاض ایله سیاهک بربرلینه ناصیل قایناشه جقلری اصلاً تخیل ایده مندم ، فقط اونی بر دفعه کوردکدن سوکرا بیاض و سیاه کبی مضاعف برنقطه نظر دن ناصیل تصور ایده بیله جکمی زحمت مزجه آکلارم . تلی حدس اولان

مذهبېر ايسه حدسى اولدقلىرى نسبتده (قانت) انتقادچيلىغىنك ادراك ساحه سندن قاجيور .
مزلرده كى طوكش ونولو متافيزيك دكلده فيلسوفلرده كى جانلى متافيزيك آلىنمق شرطيله
بوتون متافيزيك بو مذهبېلرده در .

مكتبلر يعنى بويوك بر قاج استاد اطرافنده تشكىل ايتمش تليد زمهر لرى بيننده كى
اختلافلك بارز اولدينى محققدر . فقط بو اختلافلر استادلر آراسنده اوقادار قطعيميدر ؟
بونلرده سيستم اختلافلرينك فوقنده حاكم اولان اويله بسيط وبراق برشى وار كه بونى
عيني بردكزك ديبنه آز چوق كيتمش وهر دفعه سنده مختلف مواد كيتمش برصوندايه
بكنزه تيبليز . تليدلر عموميتله بو مادهلر اوزرنده چاليشدقلىرى كى تحليلك رولى ده
بوراده در . استاد دكرك ديبندن چيقاردىنى شيشى فورموللره دو كديكى مدنجه كيترديكى
شيشى مجرد فيكرلرله توسيع وترجه ايدن يعنى بالذات كندى كنديسنك تليدى اولان
بركيسسه ديمكدر . فقط اشبو تحليلى حر كته كيترن وبو تحليلك آرقه سنده كيزله ن
بسيط عمل ، تحليلدن غيرى اولان برملكدن صادر اولور كه بوملكه تعريف نتيجه سنده
حدس در .

آرتق نتيجه يه كالم : حدس ، هيچ ده اسرارلى برشى دكلدر . آراضنده كيسسه بو قدر كه
بوملكه كى وسعي نسبتنده قوللانممش اولسون . مثلاً ادبى بر قومپوزيسيون يابق تجربه سندن
بولونانلرله موضوعلرني اوزون بولوتدقيق ، بوتون وثيقه لرى جمع وبوتون نوطلرى آلدقن
صوكر بالذات قومپوزيسيون ايشنه باشلادقلىرى زمان موضوعك قبكاهته برلشه بيلمك
وكنديلرني هان سوروكله يوب كوتوره جك امكان نسبتنده درين بر الجايي آرايوب بولمق
ايچون اكثر يا چوق زحمتلى بر جهد لازم اولديغى پك اعلا بيليرلر . بو الجيا ، بر كه
كلكدن صوكر ، ذهنى اويله بريوله آتار كه بوراده هم طوبلادىنى معلوماتى ، هم ده
دها بيكلرجه تفرعاتى تكرر بولدينى كى كندىنى آرتق نهايتمز تعبيرلرله ده توسيع وتحليل
ايد بيلير ؟ وكيدلكجه بونلرده اونسبتنده كشف اولونور ، اوحالده كه موضوع حقتده
هر شيشى سويله مش اولمغه اصلا واريله ماز : حتى هان آرقه مزده حس اولونان بو الجايي ياقلامق
ايچون اوكا دوغرو آگميزن دونسهك در حال صيويشوب قاجديغى كورورز ؟ چونكه او ،
برشى دكل ، بر حركت استقامتى ، ونامتاهى بر صورتده قابل توسع اولمقله برابر عيني زمانده
بساطنك تا كنديسيدر . ايشته متافيزيك حدس دخى بو جنسندن برشى كى كورونويور .
تيالكز بوراده كى حدس ، ادبى قومپوزيسيونك نوط و وثيقه لرى برينه ، مثبت علم طرفندن

طوبیلاشم مشاهده و تجربه لرك هیئت مجموعہ سنہ معلقدر . چونکہ شائیتك سطحی تظاہر لریلہ اوزون بر آرقداشلق یا پوب بونلرك اعتماد لری قازانما دجہ اوندہ کی درونی شینك حدسفی یعنی ذہنی سہ نیاتیسفی آلدہ ایدہ مہیز . بورادہ یالکمز بارزو واقعہ لری تمثیل ایتمك موضوع بحث اولمایوب بونلردن معظم بر کتلہ نی ہیئت مجموعہ سیلہ تمثیل و بو تمثیلدہ عالم لرك مشاہدہ لری انناسندہ مشاہدہ لری نك اساسنہ هیچ خبر لری اولما د قاندقلری متقدم و طور فاندہ بوتون فکر لری بر لرینہ قارشئ تاثیر سز براقق لازمدر . بو یایلماد جہ سچیلہ بیلیر ، قطعی و مؤثر بر حدس جہدینہ هیچ بر یردہ امکان اولماز . نیتہ کم بونك ایچوندرکہ مودہ رن فلسفہ نك بوتون استاد لری زمانلرنده کی علمك اولانجہ مالزمہ سنی هظم و تمثیل ایتمشلردر . متافیزیکك یاریم عصر دن بری اوغرادینی جزئی کسوفك سببی ، ایوم لڑومندن فضلہ تنوع و تسکثر ایتمش اولان بر علمہ تماس ایتمکدہ فیلسوفك اوغرادینی خارق العادہ مشکلاتدہ در . متافیزیک حدسہ آنجق مادی بیلکیلر اعانہ سیلہ واصل اولونماسنہ رغماً بو حدس ، مادی بیلیکیلرك برزبدہ سی یا خود ترکیبی اولمقدن باشقہ برشیدر . مثلاً بر حرکت الجاسی ایلہ بر متحرکك قطع ایتمش اولدینی یول ، کذا بر ساعت زنبرکنك توتری ایلہ بر ساعت رقاصنك صرئ حرکت لری ناصیل آیری شیلرسہ متافیزیک حدس ایلہ مادی بیلکیلر دخی بر لرلردن او یلہ آیریدر . بو معنادہ بر متافیزیکك ، تجربہ نك تعمیمی صورتندہ آکلاشیلان بر متافیزیک ایلہ هیچ بر مناسبتی یوقدر . ہم آکلادیغ متافیزیک ، بر تجربہ تمامی : *l'experience integrale* در دیبہ تعریف ایدیلہ بیلیر .

مصطفی شکیب

